


MEPUZHO NE MIKUMBU

BAHEBELU KIBESE KYA I

 Wakonsha kwikyuba byepi kwakubula Lesa? Ao wafwainwa kwikala wakine, kechi ibyo nenyi? Kechi kyakonsha kubiwa kwakubula Nkambo ne.

Amiwa kechi nsakusapwilapo pa byonse ne. Bino Nalangulukile mba Nakonsha kwikala na kintu kimo kyanema, mwayukatu, nanchi Kyawama kwineengezhezha jimo. Bino, oo, kyajinga bingi, kyapeela bingi. Nanchi kapepo kechi kujipo mepuzho avula mu bantu ne, kechi ashupa ne kabiji mepuzho apeela. Kyawama, Amiwa njina lusekelo pa kweseka kwiakumbula mo Nakonsha kubila, kupichila mu bukwashe bwa Nkambo.

² Kabiji inge Nyenga Arganbright uji muno bufuku buno. . . Nyenga Luta. Uji muno nyi, Nyenga Luta? Kululwe lubaji. Njina. . .Oo, ee, Njina keyala kuno, kabiji. . .Ine, kechi Nakonsha ne. Kyawama, Nakonsha kwikimona bulongo papo. Najinga nayo mu buuku wami wa mupokochi, kabiji Nanshile buuku wami wa mupokochi ku nzubo. Pano, inge bakapokola bankwata amiwa pakuya ku nzubo, Mulongo Fleeman, waiya wapulushako. Bulai Billy mba Amiwa. . .nakusha buuku wami wa mupokochi ku nzubo, Amiwa mbena kwendesha kwakubula kitupa bufuku buno. Kabiji Nalangulukile mba Najinga naji mu pokochi wami; Amiwa napipwiletu bya kuvwala. Amiwa naji kunyematu lubilo, mabaanga ano, naji kukupanga nsono bukiji bukiji kabiji naleka ne kupelawizha kutwelamo, na pipula byakumvwala ne kunyemena kuno. Kabiji Na—Nakuleta lexicon, bino anweba mwakonsha kumutambula palutwe pa kufuma muno.

³ Kechi mumvwe kutama pa *iyē* kalata ne. Inge Amiwa kechi nakitambulapo kala yatama kukila pa iye ne, ayo yafwainwa kwikala kalata yawama. Aya yajinga yawama. Aya yajinga bingi, yawama bingi. Nemubujile mba Amiwa kechi nakonsha kwiitanga ne, bino Nasumbijilepo, mwayukatu, kabiji kechi nakonsha kutwajijilatu na kwiikwata ne. Nakuminyetu kyo mwaambile. Kabiji yajinga bingi, yawama bingi, yanembelwe nobe mufunjishi wasukuulu byo afwainwa kunemba. Aya yajinga yawama, kabiji Neisachila. Kabiji ki—kikupa. . .

⁴ Mwamona, Natemwa makalata a muntu umo awo wakonsha—wakonsha kupusanako ne obewa pacheche. Mwamona, inge watwajijilatu kuya kulutwe kimye kyonse, kwakubula wakupusanako ne obewa ne, wikala ubena kubula

kukoma. Wafwainwa kutanwa na bapusanako pakuuba mba wakonsha kukwatakanya ne kupalanguzha kuya mu kuzhika. Kabiji—kabiji wakonsha kutwela mwakunama inge wabula kutajisha bulongo; nanchi obewa—nanchi obewa wakonsha kutwela mulukatazho inge wauba kyokya. Obewa wafwainwa kutwajijilatu na kuya poso watanapo muntu umo wakupusana naji kabiji wasukanya mayona obe bimye bimo.

⁵ Amwa mu Africa Nantaine ba bokwe babiji babacheche, kabiji bajinga balunda babacheche, pepi nobe *byoby*a. Baji nabishilwa, bacheche, mucheche bokwe; bokwe mucheche, bokwe mucheche wamukazhi. Kabiji pano, bamwekelenga nobe bampushi, bajinga bacheche bingi boby, bacheche... twawama bingi tutu tucheche, abo bakayatu. Kabiji Naiyilenga namba nkebalete kuno ku America, Najinga nabo mukitangaji kya tung'onyi. Nayilenga na kwibaleta, bino Amiwa kechi ntainepo aji—aji onse manguya akwibaasa ne, muchi uji yense ne. Kabiji kechi banswishishe kwibaleta mu United States kwakubula kwibaasa manguya patanshi ne, kabiji Amiwa kechi na mutaine mu Africa monse ne. Bino inge wakeba kuyuka kana bokwe nangwa ine, obewa mukwesetu panyuma pacheche. Aye wakonsha kwimana ne kukuyukisha mba aye bokwe, nanchi—nanchi awa musango wakonsha kukuyukisha po aimana.

⁶ Abyo byowafwainwa kuuba bimye bimo, mwayukatu, nobe kuvuuyula mayona kwi abwezha lunyuma, pakuuba mba uyuke. Bino, pano, kechi tuzhingila nobe bokwe ne; tujitu—twatemwatu kyokyo, ku... bantu kwipuzha mepuzho. Kabiji mepuzho aji byoby, Nyenga Ruth, aji bingi, awama bingi kwi amiwa. Kiji ke... Na—Natemwa kyokyo, monai. Kuji oa ashupa bingi o nanshikwa kumona. Pakuuba aa... aa awamine bingi.

⁷ Bino tuji na amo awama, awama bingi, mepuzho a pamuzhitu. Kuji musapwishi kunyuma kokwa mu kibamba ponka pano, wangimpwizhe, mba, “Bangauzhi babiji ba mu Lumwekesho 11, bushe bakeya Kushikulwa kasa kukyanyangye kwikalako? Nangwa kasa bakyangye kusenda Isalela ne? Kabiji kika...” Pano, ao ye musango wa mepuzho a—a—akonsha kunkukasakanya. Bino ao mepuzho apeela bibye ajitu bulongo.

Bino pano, kasa tukyangye kutatula, twayai tukunyike mitwe yetu tulombe.

⁸ Taata, kyayukanyikwa mba Anweba kimye kyo mwajinga na myaka twelufu, Anweba mwatainwe mu Tempo na banembeshi ne bamaana, kasa mubena kwisamba nabo Binembelo. Kabiji abo bajinga—abo bakuminye bingi pa... bantu bakote, kabiji bafunjishiwa bulongo mu Binembelo, kabiji nangwa byonkabyo pa kumona Nsongwalume mucheche wa myaka twelufu byo—byo ebapezhezhe maana, pa kulondolola Binembelo. Anweba mwajinga na mwingilo wa Ba Shenu. Anweba byo mwaambile ku Bainenu, “Anweba kechi mwayuka mba Nafwainwa kwingila

mwingilo wa Ba Taata nenyi?” na kulondolola Binembelo na bilumbululo byabyo bya bumupashi.

⁹ Kabiji pano twalomba, Nkambo, amba—amba Anweba byo mwayuka kukooka ne kunekena kwetu, kabiji byo tuji babilubo byavula, amba Anweba mwiye ne atweba bufuku buno mu musango wa Mupashi Wazhila, kabiji mulondolole Binembelo kwi atweba. Amiwa mbena kupembelela kabiji ne kuketekela mwi Anweba. Kabiji inge Nakonsha, pa kimye kiji kyonse, kweseka kubikapo milanguluko yami nangwa kulumbulula nangwa kintu kimo kya kwitemwa, ne kweseka kwikilengela kumwanyika nobe byo Mbena kulondolola bijitu bulongo, shikai kanwa kami, Nkambo, nobe byo mwakonsha Anweba . . . Anweba mwikyubile ku mabokwe, byo baishile kwi Danyela. Anweba mukijitu Lesa umo.

¹⁰ Kabiji lekai kikale kyonse . . . Byo tubena kuketekela pa Mupashi Wazhila, lekai Aye asolole bibye bintu kwi atweba. Kabiji byo Asakwibyambanga, bilengelai bikale patoka pakuuba mba awa waipuzha jipuzho akonshe Kwibitambula. Kabiji umvwe Kyakumbulwa mwapusanako na byobya byo Naketekela kimye kyonse, nanchi lekai muchima wami neaye asangalale, Nkambo, pa kuyuka mba Natanapo kintu kipya, kabiji jishinda jawama ja Nkambo. Mambo Anweba mwaambile mba, “Kebakebai mu Binembelo, mambo mwi Abyo mo mulanguluka mba mo tumwena Bumi Bwapeenape, nanchi Abyo Ibyo bibenakunshimuna Amiwa.”

¹¹ Pano, panyuma ya lufunjisho lwa kikye Kinembelo, kine kikale kya kubuusha milanguluko yavula kabiji ne bikwabotu. Kabiji Nalomba, Lesa, pano byokiji mba ao onse mepuzho aipuzhiwa amweka bulongo kabiji ne kuwaina, lekai Mupashi Wazhila akumbule na buwame ne nabutekanye. Mambo twikipuzha mu Jizhina ja Yesu, kabiji ne kulukumo lwa Lesa, kabiji ne kushimikwa kwa Kipwilo Kyanji. Amena.

¹² Bimye byavula byubilo bya kwitemwa pa kintu kiji kyonse, byonauna bintu byawama. Kabiji pano, mepuzho panyuma ya kikye Kinembelo aipuzhiwa.

¹³ Pano, inge Napemashika pacheche bufuku buno, Njina jino. Kabiji Nejibikamo, kabiji kechi Nakonsha kusapwila ne, Ng’enda bitende bitende byo Mbena kusapwila; Nejifumyamo, kabiji Nauba nobe mbena kwita mulozhi.

¹⁴ Mrs. Billy Graham wabulang’ene jishimikila pe aye, kimye kyo aumvwine lusekelo lwakilapo ke kimye kyo afumishe jino konka kulutwe. Kabiji wijitaile, kabiji wajinga na mutanchi wa televizhonyi ponkapotu, kabiji—kabiji kechi wakonsheshe . . . Yajinga sanyi iji na meno amabuji. Kabiji umvwe wakeba kwamba, ke ete mulozhi “wii, wii” monka mu kikene. Kabiji aye waambile mba wafukamine pa manungo anji, na kulomba kabiji ne kusulwila, kasa kwashala mamineti teeni akuya pa

televizhonyi, kabiji ponkapo bejimwene japonena mutoloshi wanji ku njina ja sapato yanji. Umo wamwingilo wijitaine, aja jino jabubela. Kabiji Mrs. Graham wamubujilekyo, kabiji ne konka kuno. Kabiji nanchi Nekibika pa kipepala kicheche, Nalanguluka mba Njinakyo ponkapano mu Baibolo wami.

¹⁵ Kabiji nanchi kiji nobe. . . inge twaikala bakota pacheche ne kukokelela, mwayukatu, mwakonsha kutaya bibye, kilengela kwikala kyatama. Kabiji nanchi Na. . . mu kimye kyo Najinga na Mulongo Roberson kunyuma kokwa, kabiji ne abo, Nejikushilenga lukeelo lumo kabiji ne jimokweleko kipimvwa kimo, kabiji Nejitwajile kwi dokotala, pakuba mba bejiwamishe bulongo. Nanchi aye Nkambo abikepo mapesho Anji.

¹⁶ Pano tubena kuya, pano, Mbena kweseka kupita mu onse, inge Nakonsha. Kabiji, Mulongo Tony, mwaila lusa lwa Lesa, Natambwile kilumbululo kya ku kiloto kyobe, kabiji kyajinga kyawama bingi. Amiwa njibingi na lusekelo pa kumona kyokyo. Kabiji ke kilumbululo kyawama, kya kuuba mba Naketekela kechi Nakonsha kwikipana muvula ya bantu ne, nanchi Amiwa ke kipana kumbaji inge obewa—obewa kechi. . . inge wikikebela mujojo jishinda. Aye wangipwizhe bufuku bukwabo, wajinga na kiloto, kabiji Amiwa kechi namubuujiile mo kyatala ne poso byo naile kwi Nkambo ne kulombelelapo. Nanchi aye Nkambo wikisolwele kwi amiwa kabiji wambujile kilumbululo kyakyo. Ke kyawama, kabiji ke sawakya wawama bingi kwi obewa, Mulongo Tony.

¹⁷ Pano, mu jipuzho jitanshi. Pano, Amiwa kechi nayuka kwakutatula ne, mambo onse awama bingi. Bino, pano, kechi twafwainwa kusenda kimye kyabaya ne, kabiji kape twakonsha kupwisha Pamulungu, inge twabula kupwisha.

51. Londololai byo kyalumbulula “kumanyikwa kwa myaka ne myaka,” mu Mateyo 25:46. “Bino aye. . .” Ajo jo jipuzho.

52. Nanchi, jipuzho ja bubiji: “Pakuuba baana ba bufumu bakataiwa mu fishi,” bushe akyo kiji pamo na kufumishiwa mu milanguluko ya kwa Lesa?

¹⁸ Kyawama, pano, tolai jipuzho jenu jitanshi, jiji mu Mateyo Wazhila, kyapitala kya bu tweti- . . . kyapitala kyabu 25. Pano atweba tukoba. . . Bino, Amiwa kechi nakifundapo bibye ne, ne amwenatu kunyuma kokwa, kabiji naesekeshe kwi amona na buyuke bwami bo Na—Nayuka mwakwikyubila. Kabiji ami. . . Anweba zikulai pamo ne amiwa mu ma Baibolo enu, byo tubena Kutangapo. Pano, Amiwa najikukebanga kwi kimona kufuma mu lexicon wa Kigiliki ne aye, pakuuba mba anweba mutambule—iine yakala pa kikye. Kabiji Na—Natemwa kyokyo. Nanchi pano tutekela Nakyo monse mubiji—monse mubiji—mu Kigiliki ne mukwabo. Kabiji pano akye kikekala—kikekala nobe kyabajijila, ne pa kwikifunda, mambo Nafwainwa kuya

ne kutola Binembelo ponse po Nakonsha kwibatana, kabiji ne kwibibika mu bifulo byabo. Kijitu bulongo.

¹⁹ Pano, uji yense ukeba Baibolo wakutangamo ponka poaji? Inge mwakonsha, sutulaiko kuboko kwenu. Kabiji atweba. . . Nalanguluka mba tuji na asatu nangwa foolo kunyuma kukwe. Inge mubena kukeba kufunda mu Kinembelo, kijitu bulongo. Mulongo Cox, mwakonsha kwiya kuno nakutola ao ma Baibolo? Kabiji ke—ke kintu kyawama kwi anweba, inge mwakonsha, ku. . . (kuji umo, kabiji anweba ubaitu—anweba atwalaitu panshi inge mubena kukeba, ao avula). Kabiji yense ubena kukebapo umo, sutulaitu kuboko kwenu, nsongwalume usakwialeta kwi anweba, mwamona. Kabiji tukeba kufunjila pamo bibye, kabiji ne kubatu. . .

²⁰ Pano, pa kukwe kutanga ne byapitala byapelako. . . byapitala sebene bitanshi bya mu Buuku wa Bahebelu. Panyuma ya kufunjisha, onkao mambo, nsongwalume wakwiatwala panshi, aye mitwe ya byambo, Mulongo Mercier ne Mulongo Goad, baji nayo kabiji babena kukeba kwi anemba mu buuku. Kabiji baji nayo. Pano. . . kabiji kechi twakifikapo nangwa pakachi ne, twajingatu kusa. Kabiji Nalanguluka mba bebibika pamo. . . ne kusendamo—byawama kufuma mu. . . kabiji pano babena kwibiwamishatu, bintutu bicheche byawama byalufunjisho lwa mu Bahebelu. Mulongo Mercier ukwala nabyo katatakatu, mu byanembwa, muntu yense ubena kwi bikeba.

²¹ Pano bibye papo, byaletwa mu. . . Anweba kechi mwakonsha kupita mu byonse ne. . . mu kipwilo kya busapwishi, akyo akino ke kipwilo kya busapwishi. Anweba kechi mwakonsha kupitamomu—mu lufunjisho kwakubula kubusha michima ne milanguluko ya bantu bavula ne. Obewa wafwainwatu kuuba. Bino, Amiwa nji kwalepa bingi kwikala mufunjishi, kechi mufunjishi wa Baibolo nangwa pachechetu ne. Bino Amiwa kechi ngeseka ku—kwamba kiji kyonse ne, nangwa kubapo kintu kimo ne, bino kitanshi—kitanshi kwipuzha nangwa kutana kintu kyakila kuwama pa kikyeye.

²² Kyaipuzhiwe kwi amiwa na mulongo mutemwe, bufuku bwapita, aye waambile mba, “Mulongo Branham, Mulongo Seward kimye kimo waambile mba obewa—obewa kechi bakonsha ku kuzhachisha nangwa pamo ne. Monai, amba obewa kimye kyonse uji na mwakufuminamo nangwa kufuma mu kyokyo kintu.”

²³ Naambile mba, “Kyawama, ene mambo o kikeela byobyoy, Amiwa kimye kyonse ngeseka kulanguluka kasa kyangye Kuuba kiji kyonse ne. Mwamona? Kabiji umvwe bantu bangimpuzha, apo Nakonsha kwibabula milanguluko yami byo yajinga. Mwamona?” Bino kijitu inge walanguluka bulongo. Kabiji kasa ukyangye kubapo kintu kimo ne, esekai kutola lubaji alo Lesa lo

akonsha kukeba obewa mba usende, nanchi kyakonsha kwikala kyakonsa pakuuba mba bakuzhachishe.

²⁴ Anweba kechi mwakonsha kulanguluka mba—mba Ahaba waesekelenga kuzhachisha Elaija ne. Bushe mwakonsha kulanguluka kimye Bafaliseo po bakebelenga kuzhasha Yesu nyi? Monai, Aye wajinga—Aye wajinga na mukumbu bukiji bukiji, mambo bintu byonse byo Aubile, Aye wikyubile kupichila mu kyaswa muchima wakwa Lesa, kabiji Aye. . . ajo jo jishinda Aye—Aye jo afwajilwe kwikitambwilamo. Bino, ajo jo jishinda jo tukebelamo pa kikyeye.

Bino jipuzho jaipuzhiwa, tusakutwajijila na jipuzho:

Londololai byo kyalumbulula na “kumanyikwa kwa myaka ne myaka,” mu Mateyo 25:46.

²⁵ Pano telekai bulongo. Muntu yense pano, Mateyo 25:46:

Kabiji bano bakaya ku lukabisho lwa myaka ne myaka: . . .

²⁶ Pano, jipuzho ke, “Ng’anyi. . . Londololai. . .” Pano kyambo kya *myaka* kyafuma ku kyambo kya “myaka ne myaka,” kabiji *kikupu* ke “kimye kyabalwa.” Kyalumbululatu mba “ke kimye kyabalwa,” nobe *kikupu*. Pano inge mwakonsha kutanga. . . Amiwa kechi nayuka wanembele ao mepuzho ne, mambo kafwako nangwa umo wabikako jizhina janji ne; kechi kyafwajilwe kwikala ne, Amiwa kechi mbena kwiakeba ne, mwamona.

Kabiji bano bakaya ku lukabisho lwa myaka: . . . (Pano monai, abo babi.)

²⁷ Pano, mutemwe—muntu mutemwe waipuzha jije jipuzho, anweba tangaitu Kyonse:

. . . pakuuba baoloka bakaya ku bumi bwapeenape.

²⁸ Babi bakaya mu lukabisho lwa myaka (ke kimye kimo kyabalwa), pakuuba baoloka baji na Bumi Bwapeenape. Anweba kechi mukatana lukabisho lwa Peenape ne, kechi kyakonsha kwikala byobyoye ne. Monai, inge baji na kumanyikwa kwa Peenape, baji na Bumi Bwapeenape; baji na Bumi Bwapeenape, bapuluka. Monai, kuuba kyaikala byobyoye ne. Pano inge mwakonsha kumona, aja—aja jipuzho jipuzha ajo jine. . . jiiikumbula ajo jine. Mwamona?

Kabiji babo. . .

Pano talai, Amiwa saka kyangye kufika papo:

. . . kabiji abo. . .

²⁹ Mu wabu 20. . . veeleshi wabu 44:

. . . kabiji ne abo bakumbwile, ne kwamba kwi Aye mba, Nkambo, kwepi ko twimumwene na nzala, nangwa na kilaka, kabiji mwenyi, nangwa bwamba, . . . nangwa mukaleya, kabiji ne kwimukwasha anweba ne?

Ponkapo—ponkapo aye ukebakumbula, mba, Kine Nemwambila namba, monka anweba mo mwaubijile. . . umo wapelako wa bano, mo mwaubijile. . . ne amiwa.

Kabiji bano bakaya ku lukabisho lwa (myaka) myaka: (abo bo babi). . . pakuuba baoloka bakaya ku Bumi Bwapeenape.

³⁰ Mwamona lupusano? Babi baji na lukabisho lwa myaka, bino *myaka* ke “kimye kyabalwa.” Bino, inge kyajinga kintu kimo, kyafwainwa kwikala kyanembwa, “Kabiji babo bakaya mu lukabisho lwa myaka, mukwabo ukaya mu bumi bwa myaka ne myaka.” Mwamona? Nangwa, “Bakaya mu kumanyikwa kwa Peenape, kabiji ne mukwabo ukaya mu bumi Bwapeenape.” Monai, inge kuji kumanyikwa kwa Peenape, kwikala kumanyikwa kwa myaka ne myaka, nanchi kuji Bwapeenape. . . aye uji na Bumi Bwapeenape; kabiji kujitu Bumi bumu Bwapeenape, kabiji abo bufuma kwi Lesa. Bintu byonse byabula ntendekelo kechi biji na mpelo ne, bintu byonse biji na ntendekelo biji na mpelo. Mwamona Moombena kutazha nyi?

³¹ Pano, Kinembelo Akyo kine aye—aye muntu mutemwe wakumbula. . . Pano umvwe mwikitwala mu lexicon, “*Kabiji baabo bakaya mu ainion, kuchibako, ne kuya mu myak-. . . kabiji mu mujilo, kisha kya mujilo.*” Pano, kyambo *a-i-n-i-o-n* kyalumbulula mba “kimye kya lukabisho.” Mu lexicon wa Kigiliki, monka muno, “kimye kyabalwa kya lukabisho,” nangwa, “kimye kya lukabisho.” Monai, “Bakaya mu kimye kya lukabisho.” Kyambo kyaingijishiwa, *a-i-n-i-o-n*. *Ainion*, kyalumbulula mba “bimye, kimye kimo, kimye kyatongolwa.” Pano kitwalai mu—mu kututulula papo, mu Kizungu, *everlasting* ke “kimye kyatongolwa.” Monai, kyafuma mu Kigiliki, “kimye kyatongolwa.” Kyambo kya *ainion*, nangwa *a-i-n-i-o-n*, *ainion* kyalumbuula mba “ke kimye kyatongolwa kya lukabisho.”

³² Bino kabiji pano tangai bikwabo, “Bino abo bakaya mu Peenape.” Alo lo lupusano. Monai, Bumi Bwapeenape. *Peenape* kyafuma ku kyambo kya “Myaka ibula kupwa,” kabiji Myaka ibula kupwa kechi yajinga na ntendekelo nangwa mpelo ne. Ke myaka *ne myaka*. Pano akyo kyafwainwa kukumbula kyokyo, monai, mambo inge mwakonsha kutanga Kinembelo bulongo, mwakonsha kumona.

³³ “*Kabiji babo bakaya mu lukabisho lwa myaka ne myaka, pakuuba baoloka. . .*” Babi bakaya mu lukabisho lwa myaka ne myaka, lukabisho lwa kimye kyatongolwa; kapepo myaka mbilyoni, Amiwa kechi nayuka ne, bino kine ukamanyikwa pa bubi bobbe. Bino byonka bubi byo bwajinga na ntendekelo, bubi buji na mpelo. Lukabisho lwajinga na ntendekelo, kabiji lukabisho luji na mpelo. Kabiji ngehena yalengejilwe diabola ne bamalaika banji. Mwamona? Kijitu bulongo. Bino, Njina

jikwabo papo jakukumbula mu kyokyo, mu mamineti achechetu, ajo jawama bingi, jakwatakana mu jije.

Pano, bino ao papo: “Pakuuba baana ba bufumu bakataiwa mufishi,” Bushe akye kiji pamo nobe kutaiwa kufuma mu milanguluko yakwa Lesa?

³⁴ Ine, kechi kyafwainwa kwikalatu kimo ne. Pano, ubena kutazha ku Kijilo kya Masongola. Pano, “Kabiji ne baana ba mu bufumu,” nobe byonka byo kyaipuzhiwa papo. Baana ba mu bufumu ke Bayudeya, kabiji batailwe mu fishi. Kabiji abo—abo bajinga bataiwa mufishi, kabiji bapichile mu kimye kya kujila ne miteto kabiji ne kwisuma ku meno. Abo batailwe mufishi pakuuba mba kipane kimye kya kulapila kwi anweba ne Amiwa, bino kechi batailwe kufuma mu milanguluko yakwa Lesa ne. Aye kechi ukalubako Isalela ne. Kabiji Isalela, nobe yense utanga Baibolo wayuka, kitongola ku “baana ba mu bufumu.” Monai, ke bufumu, mulaye. Mung’ambilo ikwabo, Lesa kwingila na kyaalo, kimye Aye kyoaingijilenga na Isalela, abo bo baana ba bufumu.

³⁵ Pano, vulukai, Aye waambile popa, “Kabiji Abulahama ne Izaka ne Yakoba,” patutu pamo, “ukeya na kwikala mu bufumu mu kimye kya kumpelo.” Monai, kabiji awa Abulahama, Izaka ne Yakoba bakekala mu bufumu; bajinga, bajinga bantu bapeshiwa ba mu bufumu. Pakuuba baana ba bufumu bakapangiwa mu fishi.

³⁶ Pano, apo po kyatongola kyafuma pa—pa Musongoshi. Kimye Musongoshi po aishile, mu kimye kyo bajinga. . . Faivi babisungu baile na kukumanya Nkambo, kabiji—kabiji abo kechi basendelepo manyi mu malampi abo ne. Kabiji ne—ne bakwabo faivi basendele manyi mu malampi abo. Pano, inge mwakonsha kumona, ke kipikichala kyawama, ku bonse babiji ba Yudeya ne ba Gentila, nobe bakanwa. Lamai mu milanguluko kyokyo, kuji misango ya bantu basatu mu kimye kyonse: mu Yudeya, mu Ngentila (batelwatu na jizhina), . . . ; mu Yudeya, Ngentila, ne Kipwilo. Inge byobyoby mwibimvwangakanya, mwakonsha kuya mungi inge mwafika mu Lumwekesho. Mambo inge mwabula kuuba . . .

³⁷ Nobo Mr. Bohanon waambile kwi amiwa kimye kimo, amba, “Billy, muntu yense wafwainwa kweseka kutanga Lumwekesho wakonsha kwikala na lubazhibazhi. Kika,” aye waambile mba, “awe ke Musongwa uji pano pantanda, kabiji aye—kabiji nsung’unyi wapaajile meema kufuma mukanwa kanji ne kulenga nkondo Yanji.” Kabiji waambile mba, “Nanchi kimye kimo awa Musongwa waimana nobe ba aduleendi foote-foolo sauzande” (Kamonyi wa Yehoba lufunjisho lwanji) “pa Mutumba wa Sinai. Kabiji pa kimye kimo Musongwa uji Mwiulu.” Ine, ine, anweba mwalubilamo.

³⁸ Kuji misango ya bantu basatu. Monai, ko kuuba mba, mu Yudeya ye bakaana, kabiji kuji awa kisungu walala mutulo ao aa

meema . . . Kechi ke Lukunwa wa mwanamukazhi ne, ke booba bashalapo ba mu Lukunwa wa mwanamukazhi abo nsung'unyi bo asupijile meema a mukanwa kanji . . . Lumwekesho 11. Kabiji pano, kine, ba aduleendi foote-foolo sauzande Bayudeya kechi bajinga Musongwa ne, abo ke booba bashalapo ba mu kipwilo kya Buyudeya. Kabiji lufunjisho lwa ba Kamonyi ba Yehoba lwi babika mu bu Musongwa, Amiwa kechi namona mo mwakonsha kuubila byobyoye ne, mambo, kechi ke Musongwa ne.

³⁹ Inge mwakonsha kumona mu Lumwekesho momwa, Kyaambiwa mba, “Kabiji abo ke babisungu.” Kabiji abo ke batungutu. Kabiji tungu wajinga muka? Bajinga . . . Tungu wajinga kasopa wa tempo ao wasopanga ina mfumu, mambo bajinga . . . ba- . . . Bajinga banabalume balengwa bumboyonga. Bajinga na . . . Bushe mwamona, amba, “Abo kechi bezhilulwile abo bene na banabakazhi ne”? Bajinga batungu ba mu tempo. Kabiji jajinga jibumba jasalwa ajo Lesa jo atolele mu booba basalululwa Bayudeya. Pano, inge mwakonsha kumona . . . Inge twakonsha kutola kikye pa kakimye kachechetu, nanchi kyakonsha kwikajikwa mu milanguluko yenu, apo kine po mwakonsha . . .

⁴⁰ Twayai tutole Lumwekesho, kyapitala kyabu 7, kabiji twatana kuuba mba pano, kwepi . . . byo Kyaamba. Ke kintu kyawama bingi:

Kabiji pakupita bibye . . . Namwene bamalaika bana kasa baimana ku makonka ana a panopantanda, . . . (pano, akye kijitu pamo nobe Ezikyo 9, byo amwene konaunwa kwa Bayudeya. Kabiji papo wamona konaunwa kwa Bangetila, Lumwekesho, kyapitala kyabu 7) . . . Kabiji Namwene bamalaika foolo kasa baimana ku makonka ana apanopantanda, kasa bakwata luvula luna (luvula walumbulula “nkondo ne malwang'ano”) . . . amba luvula kechi lupupe pano pantanda, nangwa pa kalunga ne, . . . nangwa pa kichi kiji kyonse ne. (kabiji ayo yo nkondo, “ibena kukwata”)

⁴¹ Oo, inge twajinga na kimye kya kuya mu kuzhika kwa jije jipuzho. Akya kyamwekele . . . Apo popalubakejile Russell. Russell waawile, byo amwene kikye kibena kwiya. Aye waawile mba “kyafwainwa kwikala Kwiya kwa Nkambo Yesu,” kechi wayukile mba kyajinga ke—ke kubikwa tutetesho pa Kipwilo ne. Mwamona?

⁴² Kabiji ba kumya kana nkondo ya ntanda yonse . . . Nkondo Itanshi ya Ntanda yonse. Talai, yalekele mu Kapande pa leveni, pakimye kya leveni koloko mute; mu ng'ondo wabu leveni, kabiji mu awala wabu leveni. Kabiji ponkapo panyuma ya byobyoye, lubatizhilo lwa mumeema mu Jizhina ja Yesu lwasololwa kabiji ne Lubatizhilo lwa Mupashi Wazhila ku Kipwilo. Kine, panyumatu ya kyokya.

⁴³ Inge mwikitwala mu Lumwekesho, byo Twikikashijile pamo, kabiji pakachi ka Nkulo ya Filadelifya ne ya Laodikeya. Kabiji ba Methodist bajinga na Nkulo ya Filadelifya, butemwe bwa balongo. Kabiji nkulo yapelako, nkulo ya kipwilo, yajinga nkulo ya Laodikeya, ayo yajinga nkulo ya kyambazhi. Kabiji Aye waambile monkamwa mba, “Amiwa nakubikilla kibelo kya kyashi (kibelo kya kyashi) ku meso obe.” Kibelo kya kyashi! Kabiji inge mwakonsha kutazha byo byo Binembelo kunyuma, byakonsha kukasa pamo Mbila yonse mu kintu kimo momwa, pakwimumweshwa byo kiji.

⁴⁴ Talai! Abye bintu byonse byajingatu Taata, Mwaana, Mupashi Wazhila, mu lubatizhilo, (amo motusakutwela) akyo kyajinga kine lufunjisho lwa Katolika kabiji kechi lufunjisho lwa Bwinakilishitu ne. Ine, mwane. Amiwa na. . . Tuji nakyō monka muno, bufuku buno, bwa kwiya mu kyokyo; na lexicon, ne apo. Mwamona? Ee, mwane, kabiji ne na jinshimikila. Kafwako nangwa umo wabatizhiwe muyeō musango mu Baibolo ne, nangwa mu myaka itanishi sikisi aduleendi panyuma ya Baibolo ne. Kabiji Nakonsha kwikishinikisha ponka pano na lufunjisho lwabo ba Katolika, amba ibo bekitatwile, kyakusasa ne kwichila meema.

⁴⁵ Bafumine momwa ne kwiya mu kipwilo kyabena Wesley, kabiji ne ku kipwilo kya Methodist, ba Methodist bekiletele ku Baptist, ba Baptist bekiletele kwiya kuno, kabiji kikijitu lufunjisho lwabubela! Kabiji nakonsha kubwela mu Baibolo kabiji ne kushiniikisha kwi anweba mba Baibolo waamba mba “uji na jizhina amba uji na bumi, bino kasa wafwa.” Abye kine ibyo. Kabiji bajinga. . .

⁴⁶ Nakonsha kushinikisha mba Baibolo wafunjishe mba bakonsha kwingijisha Jizhina Janji mu lubatizhilo poso nkulo ya fishi, monka mwaila aya—aya nkulo ya buna. . . ya—ya nkulo ya kipwilo, Nkulo ya Kipwilo kya Pelegamuma. Kabiji Aye waambile mba, mukachi, ka yoya myaka fiftiini aduleendi ya mankulo a mfishi, yensetu, waambile mba, “Uji na kyeya kicheche kyashalako, mambo kechi wakana Jizhina Jami ne.”

⁴⁷ Byo kyaishile kufika ku yoya nkulo ikwabo, nkulo ya ba Katolika, Aye waambile mba, “Uji na jizhina amba obewa ‘uji na bumi,’ bino kasa wafwa! Kabiji obewa wakana Jizhina Jami.” Abye byo byo kiji. Mwamona? Kyakashila pamo kipikichala kimo kyabaya bingi, Baibolo yense.

⁴⁸ Pano monai kikye:

. . . kasa bakwachijila luvula luna. . .

*Kabiji Namwene malaika mukwabo ubena kufuma
Mwiulu, kasa aji na katetesho ka Lesa mumi: . . .
(Katetesho)*

⁴⁹ Pano, katetesho ka Lesa mumi kokaka? Pano, anweba balongo ba Kwiya kwanji musakwamba mba, “Kulama juba

ja sabando.” Nakeba mba anweba mumweshe kiky mu Kinembelo. Kechi pajipo pantu pamo ne. Kafwako nangwa pamo po kyaubiwe ne . . . ke—ke katetesho . . .

⁵⁰ Inge mwakonsha kutanga Efisesa 4:30, bukiji bukiji, mwakonsha kutana Katetesho ka Lesa mumi kokaka. Efisesa 4:30 waamba mba, “Kechi mufichishe pa muchima Mupashi Wazhila wakwa Lesa ne mambo imo momwabikilwa katetesho kufika ne ku juba ja bukuzhi bwenu.” Kechi poso kusangululwa kwalondelapo ne, bino kiji na bukikizhi Bwapeenape (uu-uu). “Kechi mu mufichishe pa muchima Mupashi Wazhila wakwa Lesa ne mambo imo momwabikilwa katetesho kufika ne ku juba ja bukuzhi bwenu.” Monai inge Efisesa 4:30 kechi waamba kyokyo ne, pano tolai byakutanga byanembwa kwapela kabiji ne kupitulukamo monse monka mwaila Binembelo popa, kabiji musa kwikituluka. Pano, “Wabikwa katetesho posotu juba ja bukuzhi bwenu. Kwikala na katetesho ka Lesa mumi.”

⁵¹ Pano, vulukai, Mupashi Wazhila kechi wafunjishiwenga mba Lubatizhilo lwa Mupashi Wazhila ne poso panyuma ya Nkondo ya Ntanda yonse 1. Twajinga na kusangalala kwa—kwa yubili wa ngolode, myaka foote, nangwa mwaka wa yubili wabu foote.

. . . ponkapo aye wabijikile na jiwi jikatampe kwi aba bamalaika bana, bo bapele kwiyuba bibi ntanda ne kalunga,

Amba, Kwiyuba bibi ntanda, nangwa kalunga, nangwa kichi kiji yonse ne, poso tukapwishe kubika kayukilo pa bilungi bya ba kalume . . . (pano anweba mubena kuya ku jipuzho jenu, “baana,” mwamona) . . . bakalume ba Lesa wetu pa bilungi byabo. (kwiyuba bibi ne, konauna ntanda ne, kechi muleke atomiki mbomba avume ne, kechi mwikale na kintu kyapwijijika ne poso bakalume ba Lesa wetu babikwa kayukilo)

⁵² Pano, inge twakonsha kutola kyokyo ne kubwela panyuma, byo kyajinga ne—ne mu *Kupwa kwa Nkondo ya Ntanda yonse*, mu buuku wa bubiji, kimye Jenulo Allenby walwile poso byo afikile ku mipaka ya Yelusalema, kabiji aye watumine ku Mfumu wa England, ne kwamba mba, “Amiwa kechi nakeba kuloza mu muzhi ne, na mambo akuuba mba ke muzhi wazhila.” Aye waambile mba, “Kika kyo Nsakuuba?”

⁵³ Aye waambile mba, “Lombai.”

⁵⁴ Kabiji aye watumbukile kupita peulu ne jikwabo, kabiji byo baubile byobyoyo, baambile mba, “Allenby ubena kwiya.” Kabiji kokwa kwajinga Benamuhamedi, balangulukile mba waamba mba, “Allah ubena kwiya.” Kabiji basutwile mbandela itoka ne kwipana kabiji Allenby watwelele mu Yelusalema ne kumwangata kwakubula ne kulozapo buta bumo ne, mwaila bya bungauzhi, abyo ibyo, kabiji wamubwezhezhe ku Bayudeya.

55 Kabiji baimenye Hitler na kumanyika Bayudeya, kabiji ne kuzhokoloka ntanda yonse, ne kwibabwezha monka momwa.

56 Kabiji Baibolo waamba mba Aye “ukebabwezha pa byapi bya mpungu.” Kabiji byo batatwile kubwela... Awa Magazini wa *Bumi* wasendele jashi milungu icheche ya yapitapo, byo bebabwezhezhenge mu mazauzande, mu Yelusalema, kabiji basendele booba bakote bakala mu manyuma abo. Byo bebepwizhe. Amiwa njina nakyo pa selechi ne mumapikichala. Kabiji aye waambile mba... Aya yakobama mbandela ya tubaangabanga-foolo yakwa Davida, yakobama kokwa; mbandela yabanda bingi pantanda yonse, kimye kitanshi yasutulwa peulu pa myaka tuu sauzande.

57 Yesu waambile mba, “Inge kinchi kya mukuyu kyasapuka mabula, akya kisemi kechi kikapita ne.”

58 Kabiji byo bebaletelenga aba bakulumpe bakala, ne kwamba mba, “Kika? Anweba mwabwela na kufwila mu ntanda yenu?”

59 Waambile mba, “Ine, twaiya na kumona Mesiyasa.”

60 Kabiji, mulongo, Nakubula, tuji pa kibelo! Kuji bakalume, abo babena kupembelela kokwa. Kechi baabo Bayudeya bakonsha kukubepa na kufumya meno inge kyakonsheka kubiwa, awa kechi ye Muyudeya Ye abena kwambapo ne. Bino ke booba baji kokwa balama aya—aya mizhilo ne bintu bikwabo, kabiji kechi bayukile amba kuji Mesiyasa ne.

61 Kabiji Mulongo...ku Stockholm, Mulongo Pethrus, wibatumijile milyoni umo wa Lulayang’ano Lupya, kabiji byo beatambwile abo beatangilenga. Baambile mba, “Kyawama, inge awe ye Mesiyasa, lekai tumumone aye obe kiyukilo kya ngauzhi, kabiji tusa kumuketekela.”

62 Kyajinga kyafikilamo kya mwingilo wami! Najinga pepi nobe tuu awala ya kufika ku masakwa a Yelusalema, kutwelamo, kabiji Najinga ku Cairo, Ijipita. Kabiji Naendelenga kuya konka, kabiji Mupashi Wazhila waambile mba, “Kechi uyeke kino kimye ne.”

63 Nalangukile mba, “Mbena kufwanyikizhatu. Jichikichi japotwa kala, Amiwa nji pa lwendo lwami. Muntu uji konka wa kukumanya, jibumba jonse, masukuulu ne bikwabotu.”

64 Naendeleko palutwe pacheche, kabiji Mupashi waambile mba, “Kechi uye ne! Obewa kechi uye ne.”

65 Nabwelele jibiji ku upotesha machikichi, Naambile mba, “Napipula jichikichi. Nakeba kuya ku Atene, Greece, ku Mutumba Waalipangusa.

66 Kabiji aye waambile mba, “Kyawama, jichikichi jobe jibena kwita Yelusalema, mwane.”

67 Naambile mba, “Nasaka kuya ku Atene mukifulo kya kuya ku Yelusalema.” Aye Mupashi Wazhila ubena kupembelela, akya kimye kechi kyakifikila ne. Kechi kijitu bulongo ne.

68 Monai:

. . . kubika kayukilo pa bilungi bya bakalume ba Lesa wetu,

Amba, Kwiyuba bibi ntanda, . . . poso . . . kubika kayukilo pa bilungi bya bakalume ba Lesa wetu. (yense wayuka mba ako ko Katetesho ka Mupashi Wazhila; monai)

Kabiji Naumwine mo bebabajila bo babikilepo kayukilo: . . . (pano, inge kechi Bayudeya ne, monai kikye) . . . kabiji bo babikile kayukilo bajinga aduleendi foote-foolo sauzande mikoka yonse ya baana ba Isalela. (kechi mujipo Ngentila ne. Akyo ke kimye kya kumpelo)

69 Talai! Aye mukoka wa Yuda, twelufu sauzande; mukoka wa Lubenyi, twelufu sauzande; kabiji ne kuyatu kulutwe, Gadi, twelufu sauzande; Nafitali, ne—ne—ne kuyatu kufika kwi Ashela, kabiji—kabiji ne Zebuluna, kabiji ne yonse mikoka twelufu ya Isalela. Kabiji twelufu eye bimye twelufu ye muka? Aduleendi foote-foolo sauzande. Kuji ba aduleendi foote-foolo sauzande, Bayudeya! Kechi ba Ngentila ne, Bayudeya! Akyo kechi kijipo na lubaji lwa Musongwa ne. Nanchi Bakamonyi ba Yehoba baya mungi pa lufunjisho lwabo. Aye Baibolo waambatu patoka amba ke “Bayudeya,” kabiji kechi ba Ngentila ne. Abo ke bakalume bakwa Lesa, kabiji Bangentila kechi babalwapo nobe bakalume ne. Atweba twi baana babalume ne babakazhi, kechi bakalume ne.

70 Pano tangai Kyonse kyashala. Kijitu pamo nobe muntu ubena kuja inamunwa, waambile mba, “Akyo kyawama, bino twayai twikale na byavula.” Kijitu bulongo, Lesa uji na Byavula kuno. Pano, monai. Pano, pano tuji pa veleshi wabu 8:

Kabiji wa mu mukoka wa Zebuluna . . . babikilwe kayukilo twelufu sauzande. Ne ba mu mukoka wa Yosefwa babikilwe kayukilo twelufu sauzande. Ba mu mukoka wa Benjamin nabo bajinga twelufu sauzande.

71 Monai, Yoano, byo ajinga mu Yudeya, wibayukile bonse mwi abo, wamwene mikoka twelufu ya Isalela; twelufu sauzande kufuma mu mukoka yense, twelufu eye twelufu wikala ke aduleendi foote-foolo sauzande. Abyo byobaji, kechi Kipwilo ne, Bayudeya. Aye Baibolo waamba papo, bajinga bonse “baana ba Isalela,” mukoka yense watelwa jizhina.

72 Pano monai, veeleshi wabu 9:

Pakupita bibye (pano Musongwa ke eye) . . .

Pa kupita bibye Namwene, . . . talai, ponkapo ke ku jibumba jikatampe, jo babula kukonsha kubala, . . .

73 Abo bo batungu ba mu tempo, bajitu aduleendi foote-foolo sauzande, ke bachechetu, ke bachechetu bakusopa tempo bo bakekala na Musongwa; aye Wa—aye Wa kushijikinyatu.

Abo ke ba aduleendi foote-foolo sauzande, ke bakushijikinya Musongwa; batungu bakusopa tempo.

⁷⁴ Talai! Mambo, Nayuka mba anweba musakubwela kuno ku wabu 14, kabiji ne kwamba mba, “Kika, baji na Musongwa konse koba...” Kyakine! Batungu benda na mukamfumu konse ko ayile. Kyakine! Bino bajinga bang’anyi? Bajingatu ba kushijikinya, kabiji abyo kine Kinembelo byo kyaamba papo.

⁷⁵ Monai:

Kabiji pakupita bibye...kabiji, ponkapo, ke ku jibumba jikatampe, jo babula kunkosha kubala nangwa ku umo ne, bafuma mu mikoka yonse,...mu bisaka byonse,...bantu, ne jimi,...(ao ye Musongwa wa Bungentila ubena kwiya, kijitu bulongo) ... abo baimene...kumeso a Mwanamukoko, (ao ye Mupulushi wabo, Mwanamukoko, kechi mizhilo ne; ke Mwanamukoko, Lusa) ...kasa bawwala bivwalo bitoka,...(monai, mu mamineti acheche, monai kana bivwalo bitoka kechi bololoke bwa bazhijikwa ne)... ne mapambo a bisonga mu maboko abo;

Kabiji abo babijikile na jiwi jikatampe,...(inge akye kechi ke kusangululwa kwa Pentekosito ne, Amiwa kechi nakyumvwapo umo ne)...kwamba mba, Lupulukilo lwikale kwi Lesa wetu waikala pa jitanda, kabiji ne ku Mwanamukoko.

Kabiji bonse bamalaika baimene kasa bazhokoloka jitanda, ne aba bakulumpe ne abya binyama bina bya bumi,...kabiji baponene panshi ki... ku meso a jitanda, kabiji ke bamupopwele Lesa,

Kwaamba mba, Amena: Mapesho,...lukumo,... maana,...lusachilo,...munema,...bulume, ngovu, ikale kwi Lesa wetu myaka ne myaka. Amena.

⁷⁶ Akyo kyumvanyika nobe mpwijilo ya nkambi, kechi ibyo nenyi? Byo kikekala! Wajinga ng’anyi? Ba aduleendi foote-foolo sauzande? Kechi nangwa pachechetu ne! Aye nambala yababa ya kukakalwa muntu...mu bisaka byonse, jimi, ne mikoka ya bantu. Kechi mwakonsha kwikimona ne, balunda batemwe?

⁷⁷ Pano monai, Kitangaitu. Pano:

Kabiji umo wa aba bakulumpe wakumbwile, amba, Bo bang’anyi bo... bawwala bivwalo bitoka? kabiji bafuma kwepi?

⁷⁸ Mukulumpe waambile kwi Yoano, wajinga Muyudeya ao wayukile ba aduleendi foote-foolo sauzande, waambile mba, “Pano, wibayukile, bonse Bayudeya. Pakuuba bo bang’anyi bo? Kwepi ko bafuma?” Monai byaambile mukulumpe? “Umo wa bakulumpe wakumbwile mba,” (abo ke bakulumpe baji ku Jitanda) “wakumbwile, mba, ‘Bo bang’anyi bo bawwala bivwalo

bitoka? Kabiji kwepi ko bafuma? Bino, atweba bonse twayuka Bayudeya ne lulayang'ano lwabo kabiji ne bikwabotu, bino ng'anyi kimye abo kyo baishile?" Pano monai:

Kabiji Namakumbwile mba, Mwane, anweba mwayuka. ("Ami—Ami—Ami kechi nayuka ne," Yoano waambile mba, "kyakila pa kipimo kyami. Amiwa kechi nayuka ne.") *Kabiji aye wakumbwile mba, Abo ke booba bafuma mu malwa* akatampe, ("Kupita mu bya meseko ne byakatazha, bya lumanamo ne bya tukose, Naiya kala." Mwamona?) . . . abo ke booba *bafuma mu malwa* akatampe, *ne kovwa baovwa bivwalo byabo*, . . . (mu kipwilo? Bushe akyo kyaumvanyika bulongo?) . . . *baovwa bivwalo byabo, ne kwibitokesha mu mashi a Mwanamukoko.*

. . . abo baji *ku meso a jitanda ja Lesa, kabiji bamwingijila Aye mute ne bufuku*. . . (bang'anyi banyingijila amiwa mu nzubo yami? Bakazhi bami. Abyo ibyo nyi?) . . . kabiji *mu tepo Wanji*. . . (awo ye wikala ne amiwa mu nzubo yami ne mu bukomo bwami, ke bakazhi bami. Aye iye wikala ne amiwa, ne kuwasha bya kuvwala byami, ne kunengezhezha bintu) . . . *kabiji aye waikala pa jitanda ukekala mukachi kabo.* (Oo, ami, telekai!)

Kabiji kechi bakomvwa nzala jibiji ne, . . . (kyamweka nobe bimo bya kuja kechi bebijile ne) . . . *nangwa kumvwa kilaka jibiji ne; nangwa mute kechi ukebakatazha jibiji ne, nangwa kyuya ne.*

Mambo Mwanamukoko uji mukachi ka jitanda ukebajisha, kabiji ukebatangijila ku nsulo ya meema a bumi: ne aye Lesa ukashimuna. . . *mipolo yonse ku meso* abo. (abyo Byoaji, ao ye Musongwa wenu)

⁷⁹ Kuji ba aduleendi foote-foolo sauzande, abo bo bakalume benu. Nanchi "baana ba Bufumu" papo, muntu mutemwe waipwizhe jimpuzho, jiji ke. . . waipwizhe jije jipuzho jaitabilwa. Naketekela mba Nafwaijlwe kwijisha kunyuma kuno mu. . . kuntu kumo, bino "byo bakataiwa," kechi kyalumbulula mba bakataiwa kufuma mu milanguluko yakwa Lesa ne. Bataiwa kufuma ku byakumwenamo bya bumupashi mu kimye kyangolwa. Monai, ke pa kimyetu kicheche.

⁸⁰ Mambo, ngauzhi byo amwene Isalela mu jino juba jo ayilengamo, waambile mba, "Kyawama, kwepi kukekala Isalela umvwe Sabando wafumishiwapo, kabiji—kabiji bapotesha pa Sabando nobe juba jikwabotu, kabiji ne byonse bye bintu?" Aye waambile mba, "Kyawama, Obewa ukoba—Obewa ukatwajijila kuuba. . . Bushe Isalela bakumulubijilakotu nyi?"

⁸¹ Aye waaambile mba, "Mwalepa byepi mwiulu? Pazhika byepi pantanda? Mpimai na kichi kiji ku meso obe."

Aye waambile mba, “Amiwa kechi nakonsha ne!”

⁸² Aye waambile mba, “Kabiji Amiwa kechi nakonsha kulubako Isalela ne.” Ine kyakine! Isalela kechi bakamulubako ne.

⁸³ Nanchi, mwamona, *myaka* ne *Peenape* ke bintu bibiji byapusanako. Isalela watailwe, bino kechi kufuma mu milanguluko yakwa Lesa ne. Kabiji Paulo wikyaamba papo, inge Najinga na . . . na kimye kyakufunda, nanchi Amiwa nakonsha kuya bukiji ku Kinembelo akyo . . . Nakonsha kwimutongwela anweba, monai, akya kiiya mu milanguluko yami.

⁸⁴ Paulo ubena kwamba papo, amba atweba Bangentila tuteko muchima, byo twenda ne byo tuuba. Mwamona? Mambo inge Lesa kechi wabujile kwiichibako misapi itanshi ne, mwamona, kabiji atweba byo tuji bo basomekamo, monai, . . . Kabiji Isalela, ao wapofwelwe meso pa kimye kimo, aye waambile mba. Pa kimyetu kimo, Isalela bamupofwele meso. Abyo ibyo, pakuuba kipembe kikavwetulwapo pameso abo. Kabiji apo ko kuuba mba mu Ngentila po akasemekwa mu Bufumu bwa Lesa, nanchi kipembe kyabo kikavwetulwa kufuma ku meso a Isalela. Kabiji abo bakamba mba, “Awe ye Mesiyasa Ye twapembejilenga kumona.” Abyo ibyo, bino kizhilo kya Bangentila nishi kyashikiwa (bwato bwa—bwashikiwa), kechi kukekala ne jikwabo—kechi kukekala jikwabo lusa ku Bangentila pa kyokya kimye ne.

⁸⁵ Pano, Amiwa nasenda kimye kyabaya pa jipuzho jimo. Kabiji muntu umo waamba mba, “Pano kechi mufike pa jami ne.” Kyawama, tusa kupelawizhako tumone kana kechi twakonsha kufikako ne.

⁸⁶ Kijitu bulongo, kuno kuji—kuji jalepa. Kabiji jonse mwanamukazhi waiupuzha nangwa mwanamulume waiupuzha, nangwa uji yense, kijitun bulongo.

53. Bushe kechi kyakine amba Nkambo Yesu kechi wafwijile ntanda yonse ne, kulumbulula mba muntu yense pantanda, bino nangwa byonkabyo . . . (Bino, Nakonsha kulondolola kyokyo, bino aye, wamulume nangwa wamukazhi, uji yense, wamweka nobe ndembelo ya mwanamukazhi.) . . . bino byonkabyo pa babo—byonkabyo pa babo baji mu makoka onse a pantanda, abo Bashaji bo bamupele Aye? Abo kintendekesho kya inontanda kasa kikyangye kwikalako, Lesa wibatongwejile jimo ku Bumi Bwapeenape, byo ebasalulwijile jimo monka mo kyamutokela ku muchima Wanji Mwine?

⁸⁷ Kyakine, abyo ibyo! Abyo kine ibyo. Yesu wibafwijile . . . kechi na mambo a . . . Aye wafukwijile jimo.

⁸⁸ Twayai tumone, Naketekela aye . . . Na—Naketekela batanga . . . jipuzho jaiya pa kikyeye:

54. Kinembelo kwakubula ne kuzhinauka ne kitubula mba abo ibo bakabula ku—abo ibo bakabula kupuluka ne. Onkao mambo . . .

⁸⁹ Abyo kine ibyo. Akyo Kinembelo kitubuula mba kuji bantu batongwejlwe jimo kwi Lesa amba bazhatwa.

⁹⁰ Mwakonsha kutemwa kutanga kyokyo, pakuuba mba kimye kyonse kikekale mu milanguluko yenu? Kijitu bulongo, twayai tuzhikule mu Buuku wa—wa Yuda, Yuda waamba papo.

Yuda, kalume wakwa Yesu Kilishitu, aye mulongo wani Yakoba, kwi abo batokeshiwa kwi Lesa Taata, kabiji balaminwa mwi Yesu Kilishitu, kabiji baitwa:

⁹¹ Monai bo abena Kwiinembala? Kechi mubi ne, kechi pwijilo ya busapwishi ne, pakuuba ku batokeshiwa ne kwitwa. Monai, aba baji kala mu Bufumu.

Lusa kwi anweba, ne mutende, ne butemwe, bi muvujile anweba.

Anweba batemwe, . . . Nanji kuteshakotu muchima kwimunembela mambo a lupulukilo lwetu atweba bonse, kyaji kufwainwa nemunembele anweba, jiwi ja kwimukosesha. . . namba anweba mulwile na muchima yense lwitabilo alo lwapainjilwe jimo ku bazhijikwa.

Mambo ko baji bantu bamo baongolokelamo, bokaba bo banembejile jimo kala amba batongwelwa luno luzhachisho, . . . (mujishinda ka?) . . . kasa balula bupe bwa Lesa wetu ke mwakubila bya bunya, . . .

⁹² Batongwejlwe jimo! Kechi kuuba mba Lesa waikela pa jitanda ne, ne kwaamba mba, “Amiwa nkapulusha *yuwe* muntu, Amiwa kataya *yewa* muntu.” Akyo kechi byo kyajinga ne! Lesa wafwile, kabiji Yesu byo afwile, mfuto ya mambo yakumbene ntanda yonse na mambo a muntu yense. Pakuuba Lesa, monka mukuyukila jimo. . . Kechi mba Aye ukeba ne. . . Aye kechi wasaka nangwa umo mba onaike ne. Aye wakebelenga muntu yense mba apuluke. Ayo yajinga Yanji—ayo yajinga kebelo Yanji ya Peenape. Bino umvwe Aye wajinga Lesa, Aye wayukile ukoba kabiji ne ukabula kupuluka. Inge kechi Wayukile ne, nishi Aye kechi wajinga Lesa wabula mpelo ne. Nanchi Baibolo ufujisha kyokyo. Amba twakonsha . . .

⁹³ Inge twajinga na kimye kya kuzhikula mu Loma, kyapitala kyabu 8, kabiji mwakonsha kwikitanga. Loma, kyapitala kyabu 9, ne mampuzha akwabo avula mu Baibolo. Efisesa, kyapitala kyabu 1. Kabiji wakonsha kumona kusalulula kwa Lesa, pakuuba mba kwikale kwa kine, Lesa wapaine lulayang’ano pabula mikambizho. Aye watumine Yesu amba afwile bonka bo Ayukijile jimo. Mwamona?

⁹⁴ Kechi kwambatu mba, “Kyawama, mwamba mba Lesa kechi wayuka ne kana ukapuluka nangwa ine?” Lesa wayukile mba

ukapuluka, nangwa mba wafwainwa nangwa ine, ntanda kasa ikyangye kutatula, ingene Aye kechi wajinga Lesa ne.

⁹⁵ Bushe mwayuka kyaambo kya *infinite* byo kyalumbulula nyi? Talai pa. . .talai mu buuku ulumbulula byambo kabiji mukatana kyambo kya *infinite* byo kyalumbulula. Kika, Aye wayukile lubalebale yense ukekala pantanda, luzhi yense, kilongolo kyonse, kakishi konse. Aye wibiyukile kasa bikiyangye kwikalako, inge ne Aye kechi wajinga Lesa ne. Kyakine, Aye wibiyukile. Kijitu bulongo.

⁹⁶ Nanchi, monkamwa, Lesa kechi—kechi waambile mba, “Amiwa nakutola *obewa*, kabiji ne kukutuma ku gehena; kabiji Amiwa nakutola *obewa*, ne kukutuma Mwiulu.” Lesa wakebelenga mba anweba bonse muye Mwiulu. Pakuuba monka mukuyukila jimo Aye wayukile mba umo ukekala wabuvu, kabiji mukwabo ukekala mwanamulume ne Mwinakilishitu. Mwamona? Onkao mambo Aye watumine Yesu amba afwe, mu kupulusha awa muntu Ye ayukijile jimo mba ukapuluka. Mwikyumvwa nyi?

Pano talai papo:

Binembelo bitubuula kwakubula luzhinauko mba abo kechi bakapuluka ne.

55. **Onkao mambo inge mfuto ya mambo yamvwetele bonse. . . bonse ba mukisemi kya kwa Adama, kabiji bamo balubijilemo mambo a kuuba mba abo kechi besolwele abobene kuyewa mulaye ne, nangwa ku kyokya kyapanwa ne, kechi bafwainwa ne. . . bafwainw-. . . kyatutu. . . kikekala. . . yakonsha kwikala na bulume bwabaya kukila pa lunengezho Lwapeenape kabiji ne nkebelo ya Lesa Wabulume bonse nenyi? Kyakonsha kwikala. . . (Muntu pano, pa jije jipuzho jabubiji, ubena kwipuzha.) Bushe kufukula kwa muntu kechi kwakonsha kwikala na bulume kukila pa lunengezho lwa Peenape ne nkebelo ya Lesa Wabulume bonse nenyi?**

⁹⁷ Ine, mulongo wami nangwa nyenga. Kechi ibyo ne! Kechi kujipo kintu kimo kyakila mu bulume ne. . . Fukwilo ya muntu kechi yakonsha kwesekena pamo na—na nkebelo ya Peenape ya luzhachisho lwa Lesa ne. Kechi yakonsha kwikala byo byo ne, mwamona.

⁹⁸ Pano, jipuzho jenu jitanshi jajinga jaoloka. Jipuzho jenu ja bubiji kechi jakonsha kwikala ne, mulunda. Mambo talai, talai byo kyanembwa papo, mwamona: “Bushe mfukwilo ya muntu kechi iji na bulume bukatampe kukila pa lunengezho lwa Peenape ne nkebelo ya Lesa Wabulume bonse nenyi?” Kika, kechi ibyo ne. Kyakonsha kwikala byepi mfukwilo ya muntu yaikala na bulume kukila nkebelo Lesa Wabulume bonse? Kabiji muntu mu musango wani wa butunshi kufukula ko akonsha kuuba, kwaikala na bulume bukatampe kukila kya Peenape, kya

Lesa walumbuluka byo kyakonsha kwikala? Kyakine kechi ibyo ne! Kechi kyafwainwa kwikala byo byo ne, mwamona. Aye Lesa Wapeenape, Yanji nkebelo yalumbuluka, mwakonsha kwamba byepi mba—mba muntu wabutunshi pantanda pano, nangwatu ekale waoloka (mo afwainwa kwikelamo), milanguluko yanji kechi yakonsha kwesakena pamo na iye ne: ya—ya nkebelo ya Peenape ya Lesa Wabulume bonse.

⁹⁹ [Nyenga waamba kwi Mulongo Branham—Waku.] Ee. [“Amiwa mundekeleko mambo. Nakukebakotu kwipuzha jipuzho, kabiji—kabiji anweba mwaumvwina mungi mo Nekitazha.”] Ee, kijitu bulongo, nyenga. [“Amiwa kechi naketekela kyokya nangwa pachechetu ne, Amiwa natazhizhe mu kuuba mba ‘nkebelo ya kwa Lesa Yapeenape yakila pa mfukwilo ya muntu.’”]

¹⁰⁰ Abyo ibyo. Oo, kyawama, Amiwa—Amiwa ne kitangila mungi nanchi, monai. Kijitu bulongo. Ee, obewa nanchi ujitu bulongo pa kyokya, nyenga. Amiwa kechi najikuyuka mba jipuzho jenu—jenu ne. Kijitu bulongo. Bino, monai, po Najikwikitana kuno, monai, . . . Pano lekai mone, “Kumvweta kisemi kyonse kyakwa Adama, kabiji bamo bajinga balubilamo mambo kechi besolwele abo bene—abo bene ku kyapanwa ne, bushe mfukwilo ya muntu iji na bulume kukila lunengezho Lwapeenape ne nkebelo ya Lesa Wabulume bonse nenyi?” Monai, Na—Naji kulondolwela mungi milanguluko yobe papo. Ee, nkebelo ya Peenape ya Lesa Wabulume bonse. Kyawama, akyo kyaikajika byonse.

¹⁰¹ Naketekela mba bonse baumvwa kyokyo. Mwauba, sutulaiko maboko enu. Ke—ke nkebelo ya Peenape ya Lesa Wabulume bonse, yakonsha kine kukijishatu pa bya—kukijishatu pa byakonsha kuuba muntu.

Pano:

56. Amiwa kechi naumvwisha kyeya kiji pa lubatizhilo lwa mu meema ne, mu kyapitala kyabu 28 kya . . . veeleshi wabu 19, wa Mateyo. Akye kyalumbulula ka?

¹⁰² Kyawama, pano, kape kechi kyakonsha nkusendela kukila pa mineti umo ne. Kabiji lekai muntu umo azhikule pamo ne amiwa inge mwakonsha, ku Mateyo, kyapitala kyabu 28, kabiji ne veeleshi wabu 19. Kabiji twatana kuuba mba, byonka muntu byo aji. . . tweti-faivi. . . Pano, Akye kisa kwi mulengela kwikala bakonsa inge mwaikala Nakyo. Ke—Ke kintu kyawama, mwamona. Kechi ke busapwishi ne, pakuuba Ke. . .

¹⁰³ Pano tuji. . . Bino apo bantu po basaka kwamba mba, “Paji kwipachika mu Baibolo.” Pano, Nasaka muntu umo kuzhikula ku. . . na Mateyo 28:19. Nangwa, ine, Nasaka muntu umo. . . Mateyo 28:19. Nasaka muntu umo kuzhikula mu Byubilo 2:38. Obewa uji na Baibolo obe popo, Mulongo Neville?

¹⁰⁴ Kabiji Nakeba mba anweba mwitangile anweba bene. “Kabiji Amiwa nsakwimumweshwa bintu byapusenamo mu Baibolo. Kabiji abya—aye Baibolo...Bantu baamba mba ‘Baibolo kechi wipachika Ayemwine ne,’ Nakeba mba anweba mulangulukepo pa kikye.”

¹⁰⁵ Kabiji akye kilengela mapolofesa kwikala batokoloka. Bino Kijitu—Kijitu kyapela. Pano Amiwa nsakutanga Mateyo 28:19, anweba ndondelainga. Kabiji anweba bamo muji na Byubilo 2:38, inengezhai. Nsakutapila pa veeleshi wabu 18, akye ke kyapitala kya kupezhako kya Mateyo:

Kabiji Yesu waishile ko baji ne kwibambila bana banji babwang-...ne kwibambila mba, Bulume bonse napewabo bwa mwiulu ne pantanda. (kwepi kuji bulume bwa Bashanji?)

¹⁰⁶ Inge bulume bonse bwa Mwiulu ne pantanda bwapanwa kwi Yesu, nanchi Lesa waikala wabula bulume, byo aji Aye nyi? Nangwa Aye waambilengatu jishimikila? Bushe wasekelengatu nyi? Aye Wikiyukile! Kechi mwaketekela mba Aye Wikiyukile ne? Kyawama, inge bulume bonse bwapewa kwi Aye, nanchi bulume bwa Lesa bujipi? Aye wajinga Lesa! Abyo kine ibyo. Akyo kyo kintutu kimo kijiko. Abyo byo byonka byajingako. Monai, Aye wajinga Lesa; nangwa kana kuji muntu waikala ponkapa, wajinga na bulume, kechi uji nabo ne jikwabo ne. Mwamona? Nanchi kuba—anweba kechi mwakonsha Kwikizhobakanya ne. Tusakutana kyokyo mu kyonkakyu kintu kimo papo. Kijitu bulongo:

...Bulume bonse bwa mwiulu ne pantanda bwa... mwiulu ne pantanda.

Okao mambo yainga, ...nakwibafunjisha ba mu mikoka yonse ya bantu, ne kwibabatizha mu jizhina ja Taata, ne ja Mwaana, ne ja Mupashi Wazhila:

Ne kwibafunjisha balamenga byonse byo Nemukambizha: ... talai, Amiwa njinenu kimye kyonse, kufikatu ne kumpelo ya ntanda.

¹⁰⁷ Byubilo 2:38, pano muntu umo atange. Pembelaikotu mineti umo. Byubilo, kyapitala kyabu 2, veeleshi wabu 38. Pano, telekai bulongo, ne kwikalatu batekanya, kabiji pano tusakumona. Pano, apo ke moba teni palutwe kufuma po ebambijile Yesu, Mateo 28:19, “Okao mambo yainga, nakufunjisha mikoka yonse ya bantu, ne kwibabatizha mu jizhina ja Taata, ja Mwaana, ne ja Mupashi Wazhila.”

¹⁰⁸ Bino, Petelo, pakupitapo moba teni kulutwe...Kechi basapwijilepo mbila ikwabo ne. Baile pa nzubo ya peulu ku Yelusalema, na kupembelela kokwa (pa moba jikumi) pakuuba mba Mupashi Wazhila eye. Baanga bayuka kyokyo? Pa kino kifulo. Aauno ke Petelo, Petelo uji na bakii ba ku Bufumu. Kijitu

bulongo, tusakumona aye byo auba. Mateyo, nangwa Natazha mu Byubilo 2, twayai tutole veeleshi wabu 36:

Onkao mambo bonse ba mu nzubo ya Isalela bayukishetu, amba Lesa wamupa Bunkambo ne Bukilishitu yenka uno Yesu, anweba . . . ye mwapopele pa musalabu.

“Bonse Bunkambo ne Bukilishitu.” Kechi kyakukumya ne, bulume bonse bwa mwiulu ne pantanda bwapainwe kwi Aye.

Pano byo baumwvine bibye, ne michima ibapile munda yabo, ne kumwambila Petelo ne . . . ne bonse bashala batumwa, Balongo ne batemwe, tube byepi?

Petelo wakumbwile . . . *Petelo waambile kwi abo mba, Lapilai, anweba bonse, kabiji ne kubatizhiwa mu jizhina ja Yesu Kilishitu mululekelo lwa mambo, kabiji anweba mukatambula wabupetu Mupashi Wazhila.*

¹⁰⁹ Pano, papo paji kwipachika, Mateyo amba, “Kubatizha mu Jizhina: Taata, Mwaana, Mupashi Wazhila,” kabiji Petelo waambile mu Byubilo 2:38, moba teni palutwe, “Lapilai, ne kubatizhiwa mu Jizhina ja Yesu Kilishitu.”

¹¹⁰ Nanchi kimye kyalondejilepo lulapilo po lwaambiwa—lwaambiwa, nangwa, lubatizhilo, mu Baibolo, ke Byubilo bya—kyapitala kyabu 8, Filipa byo aile na kusapwila ku . . . ku—ku bena Samaliya. Kabiji batambwile Mupashi Wazhila, kabiji babatizhiwe mu Jizhina ja Yesu Kilishitu.

¹¹¹ Kimye kikwabo po kyaambiwa, kyajinga kimye ba Ngentila po Belutambwile, Byubilo 10:49:

Kabiji kimye Petelo . . . byo akyambilenga bibye byambo, talai, Mupashi Wazhila wibaponejile . . . aba be bomwvine abo.

Mambo bebomwvine kwamba mu jimi, ne kutumbijika Lesa. Pano Petelo waambile mba,

Bushe muntu kechi wakonsha kukanya meema, byo namona mba babo . . . batambula Mupashi Wazhila nobe byonka byo twaubile kuntendekelo?

Kabiji wibakambizhe mba babatizhiwe mu jizhina ja Nkambo Yesu Kilishitu.

¹¹² Pano lekai ngikalepo na kintu kimo papo, nemumwesheko kintu kimo kicheche pakuuba mba kechi mwakonsha kwikilubako ne; nsakulengapo kimo kicheche kya kumwenako. Amiwa nsakubika . . . Biinga bisak- . . . mitundu ya bantu baji mu ntanda? Kuji isatu: Hama, Shema, ne bantu bakwa Yafeti. Baanga bayuka kyokyo? Twafumine ku booba baana babalume basatu bakwa Nowa. Hama bantu banji, bantu bakwa Shema . . . bantu bakwa Yafeti ke ba Anglo-Saxon, bantu bakwa Shema ke ba . . . Bisemi bisatu, booba: Muyudeya, Mungentila, ne pakachi

ka Muyudeya ne mu Ngentila. Pano, monai, inge kyakuba mba . . . kabiji *yuwe* ke Hama . . . Shema, Hama, ne Yafeti.

¹¹³ Bino, kimye kitanshi lubatizhilo po lwaambiwepo, lwaambiwe ne Yoano Mubatishi. Baanga bayuka mba akyo kyakine? Kijitu bulongo, Amiwa *nsa* kwikibika papo, apo palepa papo, Yoano Mubatishi. Kabiji Yoano wabatizhile bantu mu mukola wa Yodano, kasa ebakambizha mba bafwainwa kulapila ne kolola bumi bwabo na Lesa, ne kupotesha bipe byabo, kabiji ne kujisha bayaji, ne bashilikale kwikala baikuta na mali abo, kabiji ne kwikala bulongo na Lesa. Baanga bayuka kyokyo? Kabiji aye wibatizhile mu mukola wa Yodano, kechi kwibansasa ne, kechi kwi bechila ne, kana kwibebizha! Inge obewa kechi Wikitabila ne, uno lexicon, monai inge kechi *baptizo*, akyo kiji ke “kubatizha, kwibizhiwa mu meema, ne kubikwa panshi.” Pano, kimye kitanshi lubatizhilo po lwaambiwepo, kyajinga popa.

¹¹⁴ Kimye kya bubiji lubatizhilo po lwaambiwapo, Yesu wikikambizhe, Mateyo 28:19.

¹¹⁵ Kimye kikwabo lubatizhilo po lwaambiwapo, kyajinga Byubilo 2:38.

¹¹⁶ Kimye kyalondejilepo lubatizhilo po lwaambiwapo, kyajinga mu kypitala kyabu 8 kya Byubilo.

¹¹⁷ Kimye kyalondejilepo lubatizhilo po lwaambiwapo, kyajinga mu—mu kypitala kyabu 10 kya Byubilo.

¹¹⁸ Kabiji pano twafuma pa kimye Yesu po aambile, papo, “Okao mambo yainga, nakufunjisha ba mu mikoka yonse ya bantu, ne kwibabatizha mu Jizhina ja Taata, ne Mwaana, Mupashi Wazhila.”

¹¹⁹ Pano twayai tolole bulongo kikyeye Kilembelo, patanshi. Amiwa ne mubuula mba “kechi kujipo Kinembelo kimo mu Baibolo akyo kikapachika kikwabo ne.” Nasaka namba anweba mukekilete kwi amiwa. Amiwa naipuzha kyokyo pa myaka tweti-sikisi, kabiji Amiwa kyangye kwikitanapo ne. Kechi kujipo Kinembelo kipachik- . . . Inge ki Kipachika, nanchi ke kintu kyanembwa-na muntu. Ine, mwane, kechi mujipo kwipachika mu Baibolo ne!

¹²⁰ Pano kikyeye anweba mwaambile mba, “Pano *ngakya*?”

¹²¹ Apo Yesu wimana kasa abena kwamba mba, “Onkao mambo yainga, nakufunjisha ba mu mikoka yonse, ne kwibabatizha mu Jizhina ja Taata, Mwaana, Mupashi Wazhila.”

¹²² Kabiji Petelo waalulukile jibiji, ne kwaamba mba, “Lapilai, anweba bonse, ne kubatizhiwa mu Jizhina ja Yesu Kilishitu.”

¹²³ “Ako ko kwipachika kwenu.” Kyamweka nobe ibyo. Pano, inge ubena kutanga na milanguluko ya buntushi, kabiji kechi na muchima washikuka ne, kikekala ke kwipachika.

124 Pakuuba inge kechi mwakonsha Kwikitanga na milanguluko-yashikuka ne, “Aye Mupashi Wazhila wibifya bye ku meso abamaana ne bajimuka,” Yesu waambile byobyo, kabiji wamusachijile Lesa pa kikye, “kabiji ne Kwibisolola ku balukeke bakonsha kufunda.” Inge uji na milanguluko, kabiji kechi milanguluko ya kwitemwa ne, pakuuba na muchima wakeba kufunda, Mupashi Wazhila ukakufunjisha bibye bintu.

125 Pano inge kyabula kwesakena pamo . . . Anweba mwaambile mba, “Mwayuka byepi mba muji bulongo?” Kyawama, byesakena pamo na Binembelo kyonse. Inge wabula kwikyuba, uji na kwipachika kwatutu papo.

126 Pano Nasaka kwimwipuzhako jipuzho. Akye ke kyapitala kyapelako kya Mateyo. Amiwa nsakwikisenda mu musango mucheche, pakuuba mba anweba bonse . . . baana babacheche ba Kekyumvwisha.

127 Nobe kyakumwenako, inge watanga jishimikila ja butemwe, kabiji kunyuma kwajo jaamba mba, “Kabiji Maliya ne Yoano baikele balusekelo panyuma yakyokya.” Kyawama, mwakumya kana Yoano ne Maliya bobang’anyi abo baikele mulusekelo moba akulutwe. Pano, inge mubena kukeba kuyuka Yoano ne Maliya bobang’anyi, obewa wafwainwa kubwela kwatatwila buuku bino utane Yoano ne Maliya bobang’anyi. Bino ubwele kunyuma kukwe utane Maliya kana wajinga ng’anyi, kabiji ng’anyi kisemi kyo afumineko; kabiji Yoano wajinga ng’anyi, kabiji ng’anyi kisemi kyo afumineko, kabiji ne jizhina janji jajinga ng’anyi, kabiji ne byo besongwele, ne byonse pa kikye. Abyo ibyo nyi?

128 Kyawama, akyo kyo kintu kimo mu kutanga Baibolo papo. Inge . . . Talai, Yesu kechi waambilepo mba, “Yanga ukabatizhe bantu mu jizhina ja Taata, mu jizhina ja Mwaana, mu jizhana ja Mupashi Wazhila,” mu jishinda bantu baketekela mu balesa basatu byo babatizha. Kechi kujipo Kinembelo kya kyokyo mu Baibolo ne. Aye kechi waambile mba, “Mu mazhina (m-a-z-h-i-n-a), mazhina” a Taata, Mwaana, ne Mupashi Wazhila.

129 Aye waambile mba, “mu (j-i-z-h-i-n-a) jizhina,” jimo. Talai pa Baibolo wenu kabiji mumone inge kikye kiji bulongo, Mateyo 28, “Mu *Jizhina*.”

130 Kechi “mu jizhina ja Taata, mu jizhina ja Mwaana, . . .” abyo musapwishi waketekela mu bisatu byo abatizha. “Mu jizhina ja Taata, mu jizhina ja Mwaana, ne mu jizhina ja Mupashi Wazhila.” Abyo kechi biji ne mu Baibolo ne.

131 “Pano mu jizhina . . .” Anweba mwaambile mba, “Kyawama, nanchi mu jizhina ja ‘Taata, Mwaana, ne Mupashi Wazhila.’” Nanchi paji Jizhina jimo popa.

132 Kyawama, bushe *taata* jizhina? Baanga bayuka mba *taata* kechi jizhina ne? *Taata* ke kifulo. *Mwaana* kechi jizhina ne. Baanga bayuka mba *mwaana* kechi jizhina ne? Baanga bataata baji muno? Sutulai kuboko kwenu. Baanga baana baji

muno? Sutulai maboko enu. Kyawama, ng'anyi mwi anweba watelwa mba “Mwaana”? Ng'anyi umo mwi anweba watelwa mba “Taata”? Kijitu bulongo, *Mupashi Wazhila* kechi jizhina ne, *Mupashi Wazhila* ke musango ye Ajimo. Baanga bantu baji muno? Sutulai kuboko kwenu. Mwamona? Abyo byokiji, *Mupashi Wazhila* ke musango ye Ajimo. *Taata, Mwaana*, ne *Mupashi Wazhila*, pa byonse bye kechi pajipo mazhina ne; kechi pajipo jizhina pa bibye ne.

¹³³ Kyawama, nanchi, inge Waambile mba, “Batizhai mu Jizhina ja Taata, Mwaana ne *Mupashi Wazhila*,” twakonsha kubwela kunyuma na kutana Awe Taata, Mwaana, ne *Mupashi Wazhila* ye ng'anyi. Twayai tuzhikule mu kyapitala kyabu 1 kya Mateyo nanchi, monai Awe Mulongo byo ajinga ye twafwainwa kubatizhiwamo mu Jizhina. Kabiji twatana mu Mateyo, kyapitala kyabu 1, kabiji ne veeleshi wabu 18. Tangai bulongo, anweba bonse.

¹³⁴ Pano, anweba mwaipuzha jipuzho, Nasaka kupana kyakumwenako kicheche papo. Pano Amiwa mbena kubika bintu bisatu papo pakuuba mba anweba mumvwishe bulongo, (kulenga kyakumwenako) ao ma Baibolo ne ma buuku, kulenga kyakumwenako.

¹³⁵ Kijitu bulongo, Nasaka namba anweba mumone bulongo, kabiji anweba umo umo ndondelai amiwa pano. Pano, *awe* papo ke Lesa Taata. *Awe* papo ke Lesa Mwaana. *Awe* papo ke Lesa *Mupashi Wazhila*. Pano, baanga baumvwa? Anweba ambai panyuma yami. Awe uji papo *ng'anyi*? [Kipwilo kyaamba mba, “*Mupashi Wazhila*.”—Waku.] *Mupashi Wazhila*. Awe uji papo *ng'anyi*? [“Taata.”] Awe uji papo *ng'anyi*? [“Mwaana.”] Bino, ajo jo jishinda baitaba mu basatu jo baketekelamo, Mwamona, akyo kitulenga atweba kwikala batunshi, nobe beene byo bakonsha kwikala.

¹³⁶ Abo Bayudeya; oene mambo kafwako kyo mwakonsha kuuba na Muyudeya ne. Aye waambile mba, “Kuba mwachibaula Lesa mubipiimvwa bisatu ne Kumupana ku mu Yudeya ne.” Bino, kechi ibyo ne, kuuba mwikyuba kwi amiwa ne. Mwamona? Ine, mwane. Aye ye Lesa umo. Abyo kine ibyo. Kechi Balesa basatu ne. Pano monai byo—byo—byo Kyapeelatu.

¹³⁷ Pano tusakutaana. Pano, ng'anyi ye... *Awe* ye Ng'anyi? Umotu aambai pano. Lesa Mwaana. Abyo ibyo nyi? *Awe* ye Mwaana. Kyawama, nanchi Ba Shanji ke Lesa. Abyo ibyo nyi? Baanga baketekela mba Ba Shanji ye Lesa? Sutulai kuboko kwenu. Baanga baketekela mba Lesa ye Shanji Yesu Kilishitu? Kijitu bulongo.

Pano kusemwa kwa Yesu Kilishitu kwajinga bibye: . . .

¹³⁸ Pano tusakubwela kunyuma tumone Bang'anyi bajinga ba Shanji, Mwaana, ne *Mupashi Wazhila*, akya kyaamba Mateyo mba, “batizhai mu Jizhina ja.” Monai, Jizhina; kechi mazhina ne

pano, mambo kechi akonsha kwikala mazhina ne, mambo kechi pajipo jizhina papo ne.

Pano kusemwa kwa Yesu Kilishitu kwajinga bibye: Kimye... inanji Maliya byo bamwipangwizhe kwi Yosefwa, kasa bakyangye kwiya pamo ne, watainwe na mwaana wa Lesa Taata. (Bushe Baibolo waamba byobyonyi? Nga Baibolo waamba mbaka?)... aye watainwe na mwaana wa Mupashi Wazhila.

139 Pano ng'anyi pa *baabo* Ba Shanji? Pano, Baibolo waamba mba *awe* Ye Shanji, kabiji Yesu waambile mba *awe* Ye Shanji. Pano, ng'anyi Umo uji Ye Shanji? Pano, inge Wajinga na bashanji babiji, pano ngakyo? Inge Aye wajinga na bashanji babiji, Aye ke mwaana wa mubukende.

140 Pano twayai tutange kuyako palutwe:

Nanchi Yosefwa mwata wanji, byo ajinga muntu waoloka, kechi waswile kumulengsha bumvu kumeso abonse ne, pakuba wafukwile mba nkamukaine kumbaji.

Bino byo akilangulukilenga pa bibye bintu, talai, malaika wa Nkambo wamumwekeele mukiloto, kwaamba mba, Yosefwa, obewa mwaana Davida, kuchiina kumulajika mukazhobe Maliya ne: mambo awa ye aimita munda mwanji yewa kwa... [Kipwilo kyaamba mba, "Mupashi Wazhila"—Waku.]

141 Wa *Ng'anyi?* Aye Mupashi Wazhila? Kyawama, Taata bakonsha kwikala byepi Ba Shanji, kabiji ne Mupashi Wazhila waikala Ba Shanji mukimyetu kimo? Bino, nanchi Aye wajinga na bashanji babiji, inge akyo kyaikala kyaoloka. Ine, mwane! Aye Mupashi Wazhila YE Lesa. Aye Mupashi Wazhila YE LESA. Nanchi Lesa ne Mupashi Wazhila ye Muntu umu, inge ne Aye wajinga na bashanji babiji.

142 Monai, twatana *Yoano ne Maliya* bobang'anyi, pa kakimye kacheche. Kijitu bulongo, twatana kuuba mba kana Petelo ne Mateo ba esekelenga kwipachika umu ne mukwabo nangwa ine, monai kana Kinembelo kipachika Akyokine. Ke kubulatu kumvwisha kwa bumupashi. Abyo ibyo.

Bino byo akilangulukilenga pa bibye... .

143 Njina iye imo, veeleshi yabu 20. Pano yabu 21:

Kabiji ukasema mwaana wa mulume, ... (Awe Muntu, wajinga ng'anyi mu baabo? Muntu Umo, Lesa.) ... kabiji obewa ukamutela jizhina janji... (Kika?) [Kipwilo kyapana mukumbu, "YESU"—Waku.] ... mambo aye ukapulusha bantu banji ku bubu bwabo.

... bino byonse byamwekele, pakuuba mba... kyafwainwa kufikile akya kyo aambile Nkambo mu ngauzhi wanji, amba,

Talai, kisungu ukemita jimi, kabiji ukasema mwaana wa mulume, kabiji ba kamutumba Jizhina Janji mba Emanuele, . . . pa kulumbulula ko kuba mba, Lesa tuji nanji.

144 Nanchi bajinga boobang'anyi Yoano ne Maliya abo baikele mulusekelo moba akulutwe? Wajinga ng'anyi Umo waambile mba, "Onkao mambo yainga, nakufunjisha mikoka yonse ya bantu, ne kwibabatizha mu jizhina ja Taata, Mwaana, ne Mupashi Wazhila?" Wajinga Taata ng'anyi? Jizhina ja Taata, Mwaana, Mupashi Wazhila? [Muntu umo waamba mba, "Yesu."—Waku.] Kyakine, byo Kyajinga. Kine, kechi kipachika na kyokyo ne. Nangwa pachechetu ne. Kyaololatu bulongo Kinembelo. Aye wajinga Taata, Mwaana, ne Mupashi Wazhila. Lesa wajinga (Emanuele) waikala ne atweba, kwikala mu mubiji watelwa mba "Yesu."

145 Bino, lufunjisho lwa ba Oneness lufunjisho lwa ba kipwilo kya Oneness, Amiwa kine kechi naitabizha kyokyo ne, kulanguluka mba Yesu ujitu pamo nobe munwe obe umo. Aye wafwajilwe kwikala na shanji. Inge Aye kechi wajinga byobyoye ne, pano Aye wakonsha kwikala byepi Aye Mwine Shanji? Kabiji inge Ba Shanji bajinga muntu nobe baitabila Balesa basatu mu umo bamba mba, nanchi Aye wasemekelwe lusemo kwa mubukende na bashanji babiji. Nanchi, mwamona, anweba bonse babiji mwalubankanya pa kwipachika. Mwamona?

146 Pakuuba Bukine bwa kikye, kuuba mba bonse Taata, Mwaana, ne Mupashi Wazhila, ke Bumuntutu bumo. [Kafwapo bijipo pa tepu ne—Waku.] . . . wakwikala mu tabbanako wa mubiji, pakuuba mba asende bubi kufuma muntanda. Abyo kine ibyo, "Lesa tuji nanji." Pano, onkao mambo, inge Mateo 28:19 . . .

147 Bino, mpalanguzhai mu Binembelo, kabiji umvwe mwakonsha kutana muntu umo mu Baibolo . . . (Pano langulukaipo pa kikye, kechi muleke kikye kimupite ne.) . . . amo muntu umo mu Baibolo wabatizhilwe mu jizhina ja "Taata," kabiji ne ja "Mwaana," kabiji ne ja "Mupashi Wazhila," mu kabwele kwi amiwa mukambule mba Amiwa ne kafutufutu, kabiji Nkabika kiyukilo pa nyuma yami kabiji ne kupita mu muzhi. Kechi kiji mu Binembelo ne, kufuma ku Ntendekelo kufika ne ku Lumwekesho. Pakuuba muntu yense mu Baibolo wabatizhiwe mu Jizhina ja Yesu Kilishitu!

148 Mwaamba mba, "Pembelako kamineti kamo, musapwishi. Pano nga Yoano? Aye kechi wa batizhepo mu jizhina jiji jonse ne!"

149 Kijitu bulongo, twatana kyamwekele; twayai tuzhikule ku—ku—ku Byubilo, kyapitala kyabu 19. Apo ipo potwatana banababwanga bakwa Yoano. Muntu yense wabatizhilwe mu Jizhina ja Yesu Kilishitu, kuyatu palutwe poso twatana jije

jibumba papo. Byubilo, kyapitala kyabu 19. Kabiji twayai pano tutatule kutanga, kabiji twatana banababwanga bakwa Yoano:

Kabiji kyaishile kufikizhiwa, . . . Apollosa (ao wajinga ng'ambi, waalulwilwe) byo akijinga mu Kolinda, Paulo byo apwishishe kupita mu byaalo bya pa mwamba . . . Efisesa: wataineko bamo banababwanga, (bajinga bakulondela Yesu)

¹⁵⁰ Inge mwakonsha kumona kyapitala kyapita kunyuma, bajinga na kimye kyawama bingi poso babijikilenga ne kusangalala. Baanga bayuka mba kyo kyakine? Kabiji Akwila ne Pulisila batainweko ku mbung'eno. Kabiji Paulo ne Silasa bapuminwe ne kwi bamvula, kabiji babikilwe mu kaleya. Abo ibyo nyi? Kabiji byo baishile ne kokwa, bataineko Akwila ne Pulisila. Kabiji bajinga na kusangululwa kokwa na musapwishi wa ki Baptist, wa jizhina ja Apolosa, ao washinikishenga na Binembelo amba “Yesu wajinga Kilishitu.” Pano Paulo wamutana:

. . . Paulo byo apwishishe kupita mu byaalo bya ku mwamba . . . Efisesa: . . . wataineko bamo banababwanga,

Ne aye wibepwizhe mba, Mwatambwile Mupashi Wazhila kufuma po mwaitabijile nyi? . . .

¹⁵¹ Pano, obewa mutemwe mulunda waku Baptist, inge akyo kechi kyakonsha kupwisha bya—bya lupata *byobe* bya sukuulu wa mamboawama ne, byo mwaambile mba “mwatambwile Mupashi Wazhila *kimye* kyo mwaitabijile.”

¹⁵² Bino Paulo wakebelenga kwipuzha babo ba Baptist, “Mwatambwile Mupashi Wazhila *kufuma* po mwaitabijile nyi?” Pano monai byo baambile:

. . . Kabiji abo baambile kwi aye mba, Twayuka . . . kana kujipo Mupashi Wazhila ne.

Kabiji aye waambile mba, Nanchi mwabatizhilwe mu ka . . . (pano, inge mubena kukeba lexicon wa Kingiliki, wakonsha kwimumwesa, “Nanchi mwabatizhilwe byepi?”) . . . Nanchi mu ka . . . mwabatizhilwe byepi? Abo baambile mba, Mulubatizhilo lwa kwa Yoano. Yoano witubatizhile atweba.

¹⁵³ Pano Mbena kusaka kwipuzhako: Inge mwajinga nalolwa lubatizhilo, mwakonsha kwikala batondwa nalo? Awa muntu umo watwajile Yesu mu mukola, ne kubatizha Yesu Kilishitu, ye yenka muntu umo wabatizhe babo bantu. Alwa lwajinga lubatizhilo lwawama bingi: kechi lwa kusansa, kechi lwa kwichila ne, pakuuba kwibizha mu Yondano wakala wa machipa pakifulo kimo Yesu po abatizhiwe. Langulukai kyokyo.

¹⁵⁴ Paulo waambile mba, “Mwatambwile Mupashi Wazhila kufuma kimye kyo mwaitabijile nyi?” Abo . . . aye . . .

Baambile mba, “Twayuka...kana kujipo Mupashi Wazhila.”

Aye waambile mba, “Mwabatizhilwe byepi?”

Baambile mba, “Atweba twabatizhiwa.”

“Mwabatizhilwe byepi?”

“Kwi Yoano!”

155 Pano monai byaambile Paulo. Monai papo:

Kabiji wibakumbwile mba, ...anweba mwabati-...

Kwi Yoano...Kabiji abo...

Kabiji Paulo wibambijile mba, Yoano kine wabatizhilenga...lubatizh-...lwa lulapilo, sa embila bantu...mba, ...mukamwitabile yewa ukandondela panyuma, ao, ye Yesu Kilishitu.

156 Monai, Yoano ubatizhile lwa lulapilo, bino lubatizhilo lwa mu Jizhina ja Yesu ke lwa lulekelo lwa mambo. Mfuto ya mambo kechi yalipijilwe pa kyokya kimye ne, bubi kechi bwalekejiwenga ne. Bino...Kyajingatu mukumbuwa milanguluko ya bumuntu, nobe mwaila mizhilo. Luka 16:16, waamba mba, “Mizhilo ne bangauzhi bajingako kufikatu ne kwi Yoano, kufuma kyokya kimye Bufumu bubena kusapwilwa.” Pano monai. Kabiji...Talai.

Kabiji Paulo waambile mba nach-... (pano monai)...

Bushe anweba mwatambwile...

157 Wabu 5—veleshi wabu 5:

Kabiji byo baumvwine bibye, ba batizhiwe (jibiji) mu jizhina ja... Yesu Kilishitu.

158 Abyo ibyo? Nanchi abo bantu, bantu mu Byubilo 2, ba batizhilwe mu Jizhina ja Yesu. Ba Yudeya babatizhilwe mu Jizhina ja Yesu. Ba Ngentila babatizhilwe mu Jizhina ja Yesu. Kabiji muntu yense mu Baibolo wabatizhilwe mwi Yesu mu Jizhina.

159 Pano tanai pantu pamo apo muntu umo po a batizhiwe mu jishinda jikwabo, kabiji Amiwa nsakubwela kunyuma kukwe ne kwimumweshwa kipwilo kya Katolika po kyaswila, kabiji baamba mba anweba mwikikokela. Kabiji waambile mba, “Kwakonsha kwikala ba Polotesitati bamo bapuluka mambo baji na mafunjisho a ba Katolika, biji nobe lubatizhilo mu jizhina ja ‘Taata, Mwaana, ne Mupashi Wazhila’; amba kipwilo kya Katolika wazhila kiji na luusa lwabaya lwa kwalula kintu kyazhila kufuma mu Jizhina ja Yesu, ku ‘Taata, Mwaana, ne Mupashi Wazhila,’ kabiji ne kipwilo kya Polotesitati kyaswa.” Awe kechi ibyo ne, Amiwa ngikala na Baibolo. Naketekela Baibolo.

160 Mwaamba mba, “Mulongo Branham, ubena kukambizha bantu kubatizhiwa jibiji nyi?” Kyakine! Paulo wikyubile, papo.

161 Pano monai, twayai tutole Galatiya 1:8, tumone byaambile Paulo:

*...nangwatu atweba, nangwa malaika wafuma
mwiulu, wasapwila mamboawama akwabo kwi
anweba...ekale wafingwa mafingo.*

162 Abyo byokiji, “Inge atweba nangwa malaika.” Kabiji Paulo, muntutu umo, wakambizhe bantu ku batizhiwa jibiji bonka bajinga na lubatizhilo lwawama kukila lomuji nalo, mulongo wami; mambo akuuba mba Yoano Mubatishi wajinga muvyala Wanji Yesu, mu kisemi kya bubiji; wabatizhile muvyala wanji mu mukola wa Yondano, kabiji waalulukile ne kubatizha banababwanga bakwa Yoano. Kabiji Yesu waambile mba, “Akyo kechi kyakonsha kwingila ne!” nangwa Paulo Wikyambile, ne kwibakambizha kubatizhiwa jibiji mu Jizhina ja Yesu Kilishitu saka bakyangye kutambula Mupashi Wazhila ne; bino kasa babijikilenga ne kutota Lesa kabiji bajinga na kimye kyawama bingi, bajinga na kukatampe—kusangululwa kukatampe bingi, kabiji ne kushiniikisha Baibolo (na sukuulu wabo wa mamboawama) amba Yesu wajinga Kilishitu. Baanga bayuka mba akyo Kinembelo? Kyapitala kyabu 18. Kyakine byokiji. Abyo byobyo kiji. Nanchi kechi kujipo jipuzho pa Kyokyo ne.

163 Pano lekai ne mupe kishinakanta kicheche. Bino, aye kechi wafumine mundonda ne, pakuuba mu Luka...Mateyo, kyapitala kya bu 16. Yesu, byo bafumine ku mutumba, Aye waambile mba, “Bantu batela mba Amiwa Mwaana muntu yami ng’anyi?”

164 “Bamo baamba mba Anweba mwi ‘Elaija,’ kabiji bamo baamba mba Anweba mwi ‘bangauzhi,’ kabiji ne bamo baamba mba Anweba mwi ‘kikye, kyokya.’”

165 Aye waambile mba, “Pakuuba anweba Mwaamba mbaka?”

166 Petelo waambile mba, “Anweba mwi Kilishitu, Mwaana Lesa mumi.”

167 Talai! “Mwatokwa anweba, ba Shimona mwaana-Yona (mwaana Yona), buntunshi bwa nyama ne mashi kechi bo Bwimusolwelakyo ne.” Amena!

168 Monai, Kyafwainwa kwiya na lumwekesho lwa bumupashi. Buntunshi bwanyama ne mashi kechi bwabujile Abela amba uji mukilubo ne (Kaina, amba wajinga mukilubo), kechi wabujilepo Abela amba “Kaina wajinga mukilubo ne.” Bino Kyajinga lumwekesho Abela loajinga nalo, “Kyajinga mashi!” Tubena kwiya mu jojo jipuzho mu mamineti acheche. Kyajinga mashi, kechi bipangwa ne, abyo bitufumishe mu bujimi bwa Edena ne. “Kyajinga mashi,” kabiji Abela, kupichila mulumwekesho lwa bumupashi, kyamusolwejlwe kwi Lesa amba kyajinga mashi, kabiji aye, “Ko kulwitabilo,” Bahebelu 11:1 waamba mba, “aye walambwile kwi Lesa kitapisho kyakila kuwama kukila kyakwa

Kaina. Akyo, Lesa wikiswile kitapisho kyanji.” Abyo byoabyo kiji. Monai, aye wikipaine ku lwitabilo, kupichila mu lumwekesho.

¹⁶⁹ Pano talai, “Buntunshi bwa nyama ne mashi kechi kyokimusolwela kikye ne,” (kufikatu ne kwi Nkambo Yesu) “pakuuba Ba Taata banji Mwiulu bobbe Musolwelakyo. Kabiji pa jonka jino jibwe (lumwekesho lwa Yesu Kilishitu). . . Pa jonka jino jibwe po Nkatunga Kipwilo Kyami, ne bizhilo bya kalunga kabafu kechi ba Kekishinda ne.” Abyo Aye byoabyo aambile. Lwabumupashi lumwe-. . . “Kabiji Naamba mba anweba mwi Petelo, kabiji Amiwa nkemupa bakii ba Bufumu. Kabiji kyonse. . . Mambo muji na jishinda ja bumupashi jishikuka pakachi ka pano ne Mwiulu. Buntunshi bwanyama ne mashi: anweba kechi mwafumishe mu sukuulu wa mamboawama ne, anweba kechi mwasendele bya masukuulu ne, anweba kechi mwasendele—bya—bya—bya kufunda masukuulu a mamboawama ne. Pakuuba anweba mwaketekela pe Lesa, kabiji Less Wikisolwele kwi obewa, kabiji kine Binembelo bijitu patoka byo Bikasa pamo. Naamba namba anweba mwi ba Petelo, abyo ibyo, kabiji Amiwa kemupa bakii; kabiji ne kyose byo mukakasa panopantanda, Namiwa ke kikasa Mwiulu; kyose kyo mukakasulula panopantanda, Namiwa kekikasulula Mwiulu.”

¹⁷⁰ Kabiji Petelo ye wajinga ng’ambi pa Juba ja Pentekositi, kimye bonse kyo bajinga na moyo wakwamba, aye wasaswile jiwi ne kwamba mba, “Anweba bantu ba Yudeya ne anweba mwikala mu Yelusalema, lekai kiyukanyikwe kwi anweba ne kuteleka ku Byambo byami. Abo kechi bapendwa byo mulanguluka ne, mambo juba jikijitu lukeelo, pakuuba kino kyo kyokya kyaambile Yoela ngauzhi. ‘Kikeya kufikizhiwa mu moba apelako,’ byaamba Lesa, ‘Amiwa nketulwila Mupashi Wami pa bantu bonse. Baana benu babalume ne babakazhi bakaulanga. Kabiji ne pa bamwingilo Bami babalume, babakazhi, Amiwa ketulwilapo Mupashi Wami. Kabiji Nkamwesa biyukilo mwiulu ne pano pantanda, kabiji ne mimbulungwa ya bwishi ne luya. Kikeya kufikizhiwa Juba jikatampe ja Yehoba jilengesha moyo kasa jikyanyge kufika, amba yense uketa pa Jizhina ja Nkambo ukapuluka.” Abyo byo kiji. Oo, ami.

¹⁷¹ “Lekai ng’ambe na kukasuluka na mambo a mushakulu Davida” waambile mba, “aye wafwa ne kuzhikwa, kabiji kilende kyanji tuji nakyo kufikatu ne buji leelo. Onkao mambo, byo ajinga ngauzhi, aye wamwene. . . Wamumwenejile jimo ku kuboko Kwanji kwa kilujo, ‘Kabiji kechi Nkasukena ne. Nangwa byonkabyo mubiji Wami ukakokoloka mu luketekelo mambo Aye kechi ukaleka mweo Wami mu kalunga ka bafu ne, kabiji kechi kaleka Awa Wazhila Wami amba amone bubole ne.”

¹⁷² “Kabiji Davida wafwa,” waambile mba, “ne kuzhikwa, kabiji ne kilende kyanji tuji nakyo kufika ne ku jino juba. Bino byo ajinga ngauzhi, aye wamwenejile jimo kwiya kwa

Umo Waoloka, Ao Lesa ye apa byonse bibiji Bunkambo ne Bukilishitu.” Oo, ami. Abyo byo Binembelo byenu. Abyo byo bintu. Abyo byokiji.

¹⁷³ Pano twatana kuuba mba, nanchi, amba jishinda ja oloka, kabiji jishinda jatanama, kabiji jojoka jishinda ja bikijilweko jimo. . . Kabiji Petelo wajinga na bakii, kabiji pa juba jo asapwijile, baambile mba. . . Pano monai, kino kyo Kipwilo kitanshi. Anweba ba Katolika telekai ku Kikye. Anweba ba Campbell telekai ku Kikye. Anweba ba Baptist ne ba Methodist telekai ku Kikye. Kabiji anweba ba Pentekosito telekai ku Kino. Kipwilo kya Lesa, ba Nazarene, Pilgrim Holiness, telekai ku Kikye.

¹⁷⁴ Petelo wajinga na bakii, kabiji wajinga na luusa, nangwa Yesu wabepele. Kabiji kechi kyakonsheka Aye kubepa bubela ne, “bintu bibiji byafikilamo, kechi kyakonsheka Lesa kubepa ne.” Aye wajinga na bakii. Yesu wamupele bakii. Kimye Aye kyo asangukile pa—pa juba jabusatu nobe byobya, Aye wajinga na bakii balufu ne, kalunga ka bafu, bino kechi bakii ba Bufumu ne. Petelo wajinga nabo! Kine ibyo.

¹⁷⁵ Kabiji pano monai, Petelo, uji na bakii bakobama ku lubaji lobe, kabiji ubena kusapwila. Jipuzho jiiya, batanshi baitabijile ba mu kipwilo kipya. Akyo Kipwilo kitanshi kya Bwinakilishitu. Pano ba Katolika, pano ba Baptist, ba Methodist, ba Presbyterian, anweba muji pa lufunjisho lwa Kipwilo Kipya nyi? Monai kana mo muji.

. . . Batemwe *ne balongo, pano tube byepi?*

. . . *Petelo* waimene ne *kwamba mba . . . Lapilai, . . .* anweba *bonse . . .* (monai, mulongo; jishinda jo ubena kubikilamo makii papo, Kilishitu ukeatula Mwiulu) . . . *Lapilai*, anweba bonse, ne kubatizhiwa *mu jizhina ja Yesu Kilishitu . . .* (abyo byo mwakonsha kutwelamo mu Kikye) . . . *mu lulekelo lwa mambo enu, kabiji anweba mukatambula wabupetu Mupashi Wazhila.*

¹⁷⁶ Ba kii bayiile “pacha” papo, kabiji ayiile “pacha” Popa. Ao oene mambo banababwanga bakwa Yoano kyo baishijile na kubatizhiwa jibiji, ne jikwabo, mu Jizhina ja Yesu Kilishitu (kasa bakyangye kuya Mwiulu), tambulai Mupashi Wazhila. Aye walamine Kyambo Kyanji. Nanchi kechi kyakonsha kwimuzhobakanya kino kimye ne, byokiji nyi? Mwamona? Kyakine, Mateyo 28:19 byajinga bifulo, kechi Jizhina ne.

¹⁷⁷ Kijitu bulongo, tuji na kimye kyabaya byepi? Bushe twakonsha kwikala na mamineti fifitiini akukumbwilamo mepuzho avula bukiji bukiji? Bushe twakonsha nyi? Kijitu bulongo, tusakupelawizha bukiji bukiji. Njina abiji papo panshi, Nakukebanga kuba bukiji bukiji, kunungakana na aao, inge Nakonsha. Pano Nakonsha kuuba ashalapo pa Mulungu lukeelo.

57. Bushe Kaina wa mu kisemi kya muloolo? (Aje jawama.) Inge ibyo byo, kika Eva kyo abujiile kwimita ne poso Adama byo a muyukile?

Jimotu. . . Jipuzho jalondelapo jijitu mumo:

58. Bushe kyajinga — kyokakye kichitu kyajileko Eva kipangwa? Aye wamwene mba kyajinga kyawama kuja.

¹⁷⁸ Kijitu bulongo, mulongo, nyenga, ao uji yense, twayai tubwele ku Ntendekelo kabiji tumonepo kintu kimo papo. Twayai tuye ku Ntendekelo 3:8, inge mwakonsha. Kijitu bulongo, telekai bulongo pano.

¹⁷⁹ Pano Nsakuleta jishimikila. Kwajingatu kwatoka ne kuzhila, kechi kwajingapo bubi nangwa kuzhilulula ne. Pano Nsikusenda ja. . . jenu. . . aje jipuzho jitanshi. Kichi kiji mu bumi. . . pakachi ka bujimi, mukachi ka kichi. Akya *kichi* kyajinga “awa mwanamukazhi.” Pano Amiwa nakonsha kushinikisha kyokyo kwi anweba kupichila mu Binembelo inge mwakonsha kwikalatu batekanya mu mamineti achechetu.

¹⁸⁰ Tusa kumona kana wajinga. . . kana waimichile kasa akyangye kuyaka Adama nangwa ine, nangwa kasa akyangye. . . Telekai:

Kabiji baumwine jiwi ja YEHOPA Lesa kasa enda mu bujimi, pa kulemba kwa juba: kabiji Adama ne mukazhanji befile abo bene kufuma ku kyeenyi kya YEHOPA Lesa mu bichi bya mu bujimi.

Kabiji aye YEHOPA. . . wamwichile Adama, ne kwamba mba. . . Uji kwepi?

Kabiji aye waambile mba, Naumwine jiwi jenu mu bujimi, kabiji Najinga na moyo, mambo Najinga mulekese; . . . (bino, aye kechi wayukile mu juba japita kunyuma ne; kintu kimo kyamwekele, kintu kimo kya musolwejile mba uji mulekese) kabiji nefiile Amiwa mwine.

Kabiji aye waambile mba, Ing’anyi wakubula mba uji mulekese? Bushe obewa wajako kala ku kichi, . . . ?

¹⁸¹ Kuja ku kichi kyamulengela kuyuka mba uji mulekese? Nobe Amiwa byo ng’amba kimye kyonse, (akye kechi kyakusekesha ne, Amiwa kechi ne kitazha mukuba mba sekesho ne) “Bino umvwe kunjia maepozi kulengela banabakazhi kuvuluka mba nji mulekese, kyawama twapaana maepozi jibiji.” Mwamona? Kechi kyajinga mulekese ne. Kechi kyajinga kichi ne, bajile jipeo, kyajinga kya bukende. Monai:

. . . Bushe obewa wanja ku kichi, kyo Nakukambizhe amba kechi ukajeko nenyi?

Kabiji awa mwanamulume waambile mba, Yenka mwanamukazhi ye mwampele, mba ngikalenga nanji, wampele. . . ku kichi, ne kuja naja.

Kabiji aye YEHOVA . . . wamwambijile mwanamukazhi mba, Ikika kyo wauba obewa? Kumvwa mwanamukazhi mukumbwile mba, Aye muloolo wajikunjimbaika, . . . (uu?) . . . Aye muloolo wajikunjimbaika, ne kuja Naja. (kimye kyabaya kasa akyangye kwimita, monai, kwi Adama)

182 Adama wamuyukile, ne kwimita waimichile ne kusema—ne kusema wasemene Abela.

183 Bino Nasaka kwi mwipuzhako, mwayilatu bu muntu. Pano pa kushinikisha kwi anweba mba ye wajinga kichi, mwanamukazhi yense ke kichi kya kipangwa. Baanga bayuka kyokyo? Bushe obewa kechi wikipangwa kya bainobe nenyi? Kyakine, byo uji. “Kabiji pakachi ka kipangwa, nangwa pakachi ka kichi, kipangwa kya kubula kukwatako.”

184 Inge mwakonsha kumona, bushe Yesu kechi wajinga Kichi kya Bumi ne? Bushe Aye kechi walaile mu Mateyo Wazhila, nangwa, Yoano Wazhila, kyapitala kya bu 6, “Amiwa ne Shinkwa wa Bumi wafumine kwi Lesa Mwiulu?”

185 Inge muntu waja ku mwanamukazhi . . . Kabiji monai, kupichila mu kusemwa . . . ku mwanamukazhi, atweba bonse tufwa; mambo atweba bonse twatongwelwa kufwa (abyo ibyo nyi?) kupichila mu kusemwa ku mwanamukazhi. Kupichila mu kusemwa kwa mwanamulume, atweba bonse tukekala na bumi myaka ne myaka. Awa mwanamukazhi ke kichi kya lufu, mwanamulume ke kichi kya bumi; mambo mwanamukazhi kechi usema bumi mwi aye ne. Abyo kine ibyo. Aka—aka kakishi ka bumi kafuma mu mwanamulume, byonkabyotu. Kaya mu mwanamukazhi, kabiji mwanamukazhi kafwako kyo aji ne ke mwakulaminatu; kabiji mwaana kechi wanungakana nanji ne, kanatu mula wakwata ku mukubi. Kechi mujipo nangwa mashi acheche aba inanzi ne; wasemekwa mu mashi anji, bino kechi mujipo nangwa mashi acheche mu mwana ne. Yainga mukatana . . . nangwa kutanga buuku wa kwa dokotala, nangwa kwipuzha dokotala obe, mukamona. Kechi mo aji ne, ine mwane, kechi mujipo nangwa achechetu ne. Aye ke jiketü, kyo kyonka. Kabiji bumi bufuma ku mwanamulume.

186 Akyo ke kipasha kyawama kya kumweshwa mba kupichila mu mwanamukazhi, kupichila mu kusemwa kwa ku mubiji, atweba bonse twafwainwa kufwa, mambo atweba twafwa kyakutatwilapotu; kabiji kupichilatu mu Mwanamulume Kilishitu Yesu po twakonsha kwikala na bumi. Kabiji kuji bichi bibiji mu bujimi bwa Edena. Kechi mwakonsha kwikimona nenyi?

187 Kabiji monai! Kabiji mujoja juba kwajinga Kelubi wabikilweko na kusopa kikyë kichi. Kyakuuba mba umvwe batompele ku Kichi kya Bumi, bonse bafwainwa kwikala myaka ne myaka. Baanga bayuka kyokyo? Bakonsha kwikala myaka ne

myaka. Kabiji kimye kitanshi kya kuuba mba batompeko... Aye Malaika waambile mba, "Tusa kwi Kisopa." Kabiji babikileko ba Kelubi na mpoko ya mujilo kulubaji lwa musela na Kwikisopa. Be Kitwajile ku Musela, ne kusopa kyokya Kichi na mpoko ya mujilo pakuuba mba kechi Babwelako ne (akye Kichi).

¹⁸⁸ Kabiji Yesu byo aishile, Aye waambile mba, "Amiwa ne Shinkwa wa Bumi, awa muntu uja yuwe Shinkwa kechi ukafwa ne." Akya kyo Kichi kyenu.

¹⁸⁹ Awa ye mwanamukazhi wenu, abwa bo bukende bwenu buleta lufu. Byonka kine byo kuji kukabila kwa bukende, kuji ne lufu luji nabo. Kabiji kine byonka byo kuji kusemwa kwa ku mupashi, kuji ne Bumi Bwapeenape bwashala mwi Akyo. Lufu lwaishile kupichila mu lusemo lwa mwanamukazhi, kabiji Bumi bwaishile kupichila mu lusemo lwa Mwanamulume. Amena! Byobyoby kiji.

¹⁹⁰ Pano twayai tubwele kwi Kaina. Bushe mwakonsha kumbula kwafumine yewa mupashi ne bujimbijimbi? Inge Kaina... monai, inge Kaina wajinga mwaana wakwa Adama ao wajinga mwaana wakwa Lesa, pano abwa bubu bwafumine kwepi? Kintu kitanshi kimye kyo asemekelwe, wajinga wa bushikwe, aye wajinga mbaanzhi, aye wajinga wa kichima. Kabiji pano tolai musango wa bashanji, aya yonka tatwilo mu ntendekelo, Lusifa, kabiji aye wajinga muntendekelo... aye wajinga na mukao ne Mikela, akyo kyatatwile makatazho onse. Baanga bayuka kyokyo? Kabiji Kaina wajinga na kiseumwa kya bashanji, ao wajinga na mukao na mulongo wanji ne kumwipaya wamwipaile. Akwa kutoka... akya kiseumwa kechi kyakonsha kufuma mu mashi atokato ne. A fumine... afumine mu aao mashi alubakana. Kabiji monai Kaina, kimye kyo asemekelwe.

¹⁹¹ Kabiji Abela wa mulondejile mu kusemwa, nanchi waimichilwe kwi Adama, kabiji aye wayukile—wamuyukile kabiji wasemene mwaana wamulume Abela. Kabiji Abela wajinga kipasha kya Kilishitu; kabiji kimye—kimye Abela kyo bamwipaile, Seta wasendele kifulo kyanji; lufu, kuzhikwa, ne lusanguko lwa Kilishitu, mu kipasha.

¹⁹² Bino, pano, Kaina wapopwejlenga; mingilo yanji yonse ya buntunshi, kijitu pamo nobe kipwilo kya buntunshi leelo: baya ku kipwilo, bapowela. Kaina bapopwejlenga; aye kechi wajinga kilubi ne, aye kechi wajinga nkomyunisiti ne. Kaina wajinga waitabila; aye waile kwi Lesa, washimikile ne kitapisho. Aye waubile bintu byonse bya bupopweshi byaublepo Abela, bino kechi wajinga na lumwekesho lwa bumupashi lwa kyaswa muchima wa Lesa ne. Jitotwe Jizhina ja Nkambo! Abyo byobyoby kiji. Bushe Mwikimona nyi? Aye kechi wajinga na lumwekesho lwa bumupashi ne, kabiji alo lolukatazho luji na kipwilo leelo. Kabiji Yesu waambile mba Aye ukashimika Kipwilo Kyanji

palolwa lumwekesho lwa bumupashi. Anweba Mwikyumvwa nyi? Oo, ami, meso enu akonsha kushikuka pano. Monai, lumwekesho lwa bumupashi.

¹⁹³ Kaina wayishile: aye washimikile kitapisho, aye wapopwejile, waletete kitapisho, aye wafukamine panshi, watumbijikile Lesa, aye wapopwejilenga Lesa, aye waubile bintu byonse bya bupopweshi byaublepo Abela. Kabiji Lesa wamukaine mambo kechi watambwile lumwekesho lwa bumupashi ne!

¹⁹⁴ Londelai awa mulaini umo wakwa Kaina: kufikatu ne ku bwato, kufuma ku bwato kufikatu ne ku Isalela, kufuma ku Isalela kufikatu ne kwi Yesu, kabiji kufuma kwi Yesu kufikatu ne pa jino juba; kabiji mwakonsha kumona kana akya kya buntunshi, kipwilo kiji na bintendekesho, bakosakana ne munyango, bafunda, Natazha mukuuba mba bantu baji na Binembelo, aabo bayuka lufunjisho lonse ne byaku masukuulu a mamboawama, bakonsha kulondolola, mulunda, nobe byonka *bya*, bino kwakubula lumwekesho lwa bumupashi! [Mulongo Branham waimba munwe wanji—Waku.] Abyo ibyo. Alo lo lufunjisho lwa kwa Kaina.

¹⁹⁵ Aye Baibolo waamba mba, “Malwa abo! mambo baile ku lufunjisho lwa kwa Kaina, ne kuya lubilo mu kutwalwa mungi kwa Balamu, ne konaika mu milengulwila yakwa Kola.” Yenka Buuku umotu, Yunda, waamba mba, “Abo batongwejilwe jimo ku lulwe luzhachisho.” Kyakine, byo baji. Mwamona? Wajinga ka Balamu? Aye wajinga bishop. Aye wajinga na luusa pa kipwilo kyonse. Waishile kokwa na kintendekesho kyawama byo akonsha kuuba. Aye wapaine. . . Mumonai kwimana kwanji mu bonka baya kuwa, kasa baimana kokwa monka mo baila kuwa mu bukatampe bwabo. Kabiji kechi bajinga batunshi ne, bajinga baitabila.

¹⁹⁶ Awa—awa mu mukoka wa Moabu wafumine mu mwaana wamukazhi wakwa Lota. Lota waikete. . . Mwaana wamukazhi wakwa Lota waendele na bashanji, kabiji waimichile ne kusema mwaana, kabiji awa mwaana wajinga. . . mo mwafumine mukoka wa Moabu. Kabiji bajinga dinominesheni mukatampe. Bakatampe, bantu balamba, kabiji bajinga na baina mfumu ne bamamfumu ne baya kuwa. Bajinga na mambishopu ne makandino ne bintutu bikwabo.

¹⁹⁷ Kabiji kwaishile jibumba ja bapanga kyongo kyazhila, jibumba jikwabo, Isalela; jibumba jicheche jabujile mu budinominesheni, bajinga ba intadinominesheni. Kabiji baubile kiji kyonse pa mapu kyafwainwa kubiwa, kyatama ne akyo. Bino kyajinga kika, bajinga na lumwekesho lwa bumupashi, kabiji Lesa wajinga nabo mu Mumbulungwa wa Mujilo.

¹⁹⁸ Oo, Na—Nayuka mba bajinga na bintu bya buntunshi, kabiji bantu baambile mba, “Aja jibumba ja bantu babwela

munyuma nobe byobya, kafwako kyakuuba nabo ne kanatu kwibapangamo.” Bino bajinga na lumwekesho lwa bumupashi, kabiji bajinga na Jibwe ja kupumako, bajinga na muloolo wa lubemba, bajinga na Mumbulungwa wa Mujilo kasa abena kuya nabo. Aleluya! Nayuka anweba—anweba mulanguluka mba Amiwa nasangalala, bino kechi Byonji ne. Naumvwatu bulongo.

¹⁹⁹ Monai! Inge Nalanguluka mba, “Awa yenka Lesa umo, leelo, wikala ne atweba.” Kikijitu lumwekesho lwa bumupashi lwa Kyambo. Kyakine, byo kiji. Kikala kyawaina kya Peenape. Jitotwe Jizhina ja Nkambo! Ee, mwane.

²⁰⁰ Aye wamwimenye popa, uji na bintendekesho; aja jibumba ja ba Baptist ne ba Presbyterian baimene pa katumba, kabiji bajinga na bishopu wabo kokwa. Kabiji bajingatu babupoweshi, kabiji ne musango umo wa bupoweshi, bapopwejlenga Lesa umo. Baambile mba, “Talai kokwa pa joja jibumba ja bakyabekyabe. Kika, kechi baji na dinominesheni ne. Kafwako kyo baji ne pakuuba jibumbatu ja batamauka, babijika, bakyongo kyazhila.”

²⁰¹ Abyo ibyo nyi? Kine, byo bajinga. Inge kechi mwaketekela mba bajinga booba kyongo kyazhila ne, bwelai ku Ntendekelo mumone byo baabukile. Kabiji kyakukumya kyaubiwe, ne Milyama watolele musakai ne kuya ku kitulu, na kwimba; na kuzha mu Mupashi, ne Mosesa waimbilenga mu Mupashi. Inge aja kechi jajinga jibumba jo tutela mba bakasuluka... booba kyongo kyazhila, Amiwa kechi nayuka byo kyajinga ne; na kwimba ne kutolauka kabiji ne kutakaika. Kabiji kimye kyonse byaalo byonse bibanshikilwe, bino Lesa wajinga nabo. Bajinga na lumwekesho lwa bumupashi, ba londejilenga awa Mumbulungwa wa Mujilo.

²⁰² Kabiji Moabu waambile mba, “Pano, talai kuno. Tusa kwita bonse makandino ne bonse mambishopu, kabiji ne bakulumpe ba bipwilo, ne kuyako kokwa. Tusa kubapo kintu kimo pa kyokyo, mambo twi kyaalo kya bupoweshi. Atweba kechi tusakuleka abya bya kwambaamba bimvwangakane na dinomisheni wetu wawama ne.”

²⁰³ Kabiji nanchi bonse balupukile kokwa. Kabiji banshimikile bitapisho twelufu; abyo kine byo byajinga na Isalela, bitapisho twelufu. Babikilepo bitapisho twelufu, bang’ombe balume; byonka byaubilenga Isalela, byakebelenga Lesa. Babikilepo mikoko twelufu, kya imenejileko kwiya kwa Nkambo Yesu Kilishitu; mikoko twelufu pa bifulo byonse bibiji.

²⁰⁴ Bonse baya kuwa, ba mambishopu ne bonse, baimene konka. Baambula kitapisho. Balombele, basutwile maboko abo kwi Yehoba ne kwaamba mba, “Yehoba, tumvwai!” Kika kyo bakebelenga kuuba? Kabiji mukulumpe wabo Balamu wapichile kulutwe byobya, kabiji Mupashi waishile pe aye. Kine (bino wajingatu wa buntunshi).

205 Aye Mupashi wakonsha kuponena ne pa kafutufutu, aye Baibolo byobyoby aamba. Anweba mwang'umvwapo kala amiwa kufunjisha byobyoby, pano. "Aye mvula unokela pa baoloka ne pa babula koloka." Bino kyafwainwa kwesakana na Kyambo, apo po mwafwainwa kwikitambwila.

206 Pano byo aubile byobyoby, kabiji ne...kimye Mupashi, nangwa byonkabyo, byo ajinga pe aye wabuulang'ene Bukine, aye waesekele kufinga Isalela, kabiji wapeshishe Isalela.

207 Pano, inge Lesa wanemekatu kipwilo kyawama, kabiji ne mbishop wawama, kabiji ne wawaina kafunga, jibumba ja bantu bafunda, Aye wafwainwa kutambulwila akya kitapisho, mambo aye wajingaturo mudoonda yaitabilwa pamo byonka Isalela byo ajinga bulongo; bino aye kechi wajinga na lumwekesho lwa bumupashi lwa Kyambo kabiji ne kyaswa muchima wa Lesa ne. Abo byokiji, alo lolupusano leelo.

208 Talai pe Yesu. Abo baambile mba, "Kwalepa na yewa muntu. Twayuka mba mwina Samaliya. Aye wakonya. Mwakonsha kwi tufunjisha nyi? Kyawama, obewa wasemekelwe mu bukende. Obewa kechi wajingapo kintu kikwabo ne kanatu mwaana wafuma mubukende. Bashobe bang'anyi? Waamba mba Lesa bo bashobe, ubena kwendeleka! Kika, ubena kwitubuula atweba? Twaikala basapwishi, twaikala ba bishopu; kupichila mu betu bankambo-ya nkambo-ya nkambo-ya nkambo-ya nkambo-ya bankambo-ya bankambo-ya nkambo babalume bajinga basapwishi ne ba bishopu. Atweba twasemekelwe ne kukomena mu kipwilo. Atweba twapita mu masukuulu a mamboawama a peulu peene. Twayuka Kyambo kyonse kufikatu ne ko kyapelela. Kabiji obewa ke weseke kwitufunjisha? Kwepi ko mwakonsha kuya ku sukuulu? Kwepi ko mwakonsha kutana kukwe kufunda?"

209 Aye waambile mba, "Anweba mwi ba...shenu diabola," byo byaambile Yesu.

210 Abo kechi bajinga na biyukilo ne bya kukumya mukachi kabo ne. Abo kechi bajinga na lubuko lwa Bulesa ne bintu bikwabo mukachi kabo ne. Abo kechi bajinga na mapesho mukachi kabo ne. Bino Yesu wajinga kine lumwekesho lwa bumupashi bwa mu Binembelo.

211 Baambile mba, "Kika, kyanembwa mba *kananga-ne-kananga*."

212 Kabiji Yesu waambile mba, "Ee, kabiji ne akyo kyanembwa." Bino Lesa washinikishe muntu Wanji mu biyukilo byanji.

213 Petelo waambile kintu kimo, mu Byubilo 2, waambile mba, "Anweba bena Isalela; Yesu mwina Nazala, Muntu waitabilwe kwi Lesa mukachi kenu, na biyukilo ne bya kukumya abyo Lesa byo aubile mwi Aye mukachi kenu, kabiji ne anweba bene mwayuka." (abyo byobyoby kiji) "Aye byo asolwelwe na mambo... a kutongwelwa jim-...ku Kije kikatampe kya ba Sanhedrin

kokwa. Bino na mambo akuyukila jimo kwa Lesa, Lesa wa mutongwejile Aye kufwa mu lolwa lufu. Anweba mwamusolwele Aye na maboko a bampupabizhila. Anweba mwapopele ku musalabu Mfumu wa Bumi, Ao Lesa ye asangwile mu bafu. Kabiji atweba twi bakamonyi ba kikye.”

²¹⁴ Yii, wajinga musapwishi wa byepi! Kechi...aye kechi wakonsheshe ne kunemba jizhina janji mwine ne, bino wamuyukile Lesa. Abo baambile mba “bamuyukile mba wajinga ne Yesu.” Kyakine, ke lumwekesho lwa bumupashi. Oo, ami. Pano, abyo byobyoy kiji.

²¹⁵ Kaina wajingatu mu yewa mulaini, kipwilo kya buntunshi kijitu mu ndonda imo leelo. Akyo Kipwilo kya Bumupashi kikiji na Mumbulungwa wa Mujilo, kikijitu na biyukilo, bya kukumya, kikijitu na Kilishitu umo yenka; ao ushinikisha kufumatu ku mwanamukoko ubena kufwa, ne mu bujimi bwa Edena, poso Kwiya kwa bubiji kwa Mwanamukoko. Kinetu, ujitu pamo keesha, leelo, ne myaka yonse.

²¹⁶ Kabiji akya kisemi kya kwa Kaina, kya bupopweshi ne kufunda, kwiyatu panshi musango umo; kijitu pamo, pa juba pa juba. Bakajimbulushi ne bakumanyika, byonka byajinga Kaina kwi Abela, nanchi byo baji ne leelo, kabiji byo bajinga kabiji kimye kyonse byo bakekala; buntunshi, babula lwitabilo. Abo ibyo.

²¹⁷ Pano Ntendekelo 3:8, ne apo Najikubika 20 papo, Najikutalangapo kimye kicheche kyapita:

Kabiji Adama wamutumbile...Kabiji Adama wamutumbile mukazhanji...Eva; mambo wajinga inanja bonse bomi. (monai, akya kyajinga panyuma ya kujimbaikwa kala)

²¹⁸ Kaina wajinga...“Pano pembelaikotu!” Mwaamba mba, “Nga muloolo wakonsha byepi, muloolo?”

²¹⁹ Bino, mulongo, monai papo, Baibolo kechi yaamba mba wajinga muloolo ne; aye Baibolo waamba mba, “Aye wajinga wajimuka kukila banyama bonse bamungye.” Aye kechi wajinga wa mubilengwa bikalaba ne, wajinga lukinyama. Aye wajinga... Kabiji momwa...

²²⁰ Kabiji lekai ne mupe kikye nobe kayukilo kakacheche pakachi ketu, inge mwakonsha. Apo ipo sayaasi po yamvwangakana. Kintu kiji pepi na muntu, ke kimpanzi. Baanga bayuka kyokyo? Bino pajipo kintu kimo pakachi papo. Abo kechi bakonsha kulenga bikupa bya kimpanzi byasambakana na bikupa bya muntu ne, bino kasa kiji kintu kiji pepi bingi. Bakonsha kumuleta kufuma ku kivube. Bakonsha kumuleta kufuma ku kivube. Bakonsha kumuleta kufika pa nyama kabiji pa nyama uji yense. Bakonsha kumuleta kufika pa mbeyala. Mwatola mbeyala ne kumusuba kikoba, ujitu pamo nobe mwanamukazhi mucheche. Ke kintutu kimo. Mubwezhai

panyuma ne bintutu byonse, mwimikai ponkapa, kabiji yainga mundosai mwanamukazhi nobe. . .mwimikai mwanamukazhi byobya. Kijitu pamo nobe—nobe—nobe mbeyala. Akwa kuulu kufumamo pamotu, kabiji kuboko kufumamo muyuwe musango, pamotu nobe muntu. Pakuuba kimpazi akyo kyafwenya bingi pepi kukila pa kyokyo. Kijitu pepipepi, bino kechi bakonsha kwikitana ne.

²²¹ Apo paji kyafyamika kicheche, inge mubena kukeba kwi kiyuka. Anweba mwayuka po kiji? Kyafyama kufuma kwi abo. Bakonsha kupoya bikupa byonse byo basaka. Bakonsha kupoya. . .Basendwe bakonsha kupoya, ne sayaasi, kabiji ba—kabiji bapima bintu byakunyuma bafwainwa kupima na mashikelo a kimye kwingijisha mashikelo ama atomiki, bino kechi bakonsha kwikikwata ne. Mambo awa wajinga muloolo ao wajingatu pamo nobe muntu kukila pa byonse bikwabo byajingako panopantanda, kabiji Lesa wamulengejile kwikala munda yanji, kabiji wamwalwile kwikala ke muloolo wabula kupashako ku muntu ne. Pano kwanyaitu mutwe wenu, aba ba masayaatisiti, kabiji mwibaleka basenda kyokyo pa kimye kicheche.

²²² Pakuuba Baibolo wikimweshwa amba, “Aye wajinga wajimuka kukila banyama bonse bamungye.” Abyo ibyo. Aye kunungakana kwajingapo pakachi ka muntu ne mpombo, kabiji Lesa wamufingile ne kumulengela kwikala munda yanji mambo a—a kintu kyo aubile. Aye wamujimbaikile mwanamukazhi, kabiji wasemene mwaana mutanshi wamulume wajinga Kaina, panyuma ya musango wa lutundaiko lwa muloolo, diabola, ao watwelele mu muloolo, waubile kyokya.

²²³ Kabiji waimichile ne kusema, waichile ne jikwabo panyuma ya kubepaikwa. Pano monai, wamujimbaikile, wajingatu pepi. . .Kyawama, waubile kyatama. Bino aye, kyakine, kyajinga kyaitabilwa pa kwimita ku mulume wanji, akyo kyafwaijilwe kwikala yavula, bimye byavula palutwe, bang’ondo bavula kabiji ne mooba avula palutwe; anweba kechi mwakonsha kubuulang’ana kyokyo ne, atweba kechi twayuka ne, bino wasemene kufuma kwi Adama.

²²⁴ Kabiji muntu umo uji na jipuzho, ja kwamba mba, “Kyawama, mwaana. . .waambile mba ubena kuya. . .Nobe byonka Kaina byo asemekelwe, waambile mba ‘njina mwaana wafuma kwi Nkambo.” Kyakine, kine, byo kyafwainwa kwikala. Kyajinga ke muzhilo wa bilengwa na lesa. Abyo byokiji ne obewa leelo. Inge wasemwa, Lesa kechi wiya na kunkulenga ne. Obewa wi kisemi kya bashobe ne bainobe. Kabiji obewa ukekala ke. . .kukekala ke. . .baana boobe bakekala ke kisemi kyobe. Kikala ke lusemo kimyetu kyonse, kuyatu ne kulutwe, nobe nkunwa ya kichi kabiji ne bintu bikwabo byayewa musango; pakuuba bibwelatu konka ko byafumine. Naketekela mba abye bikilondolola.

²²⁵ Tuji na kimye kyabaya byepi? Kechi tuji na kyabaya ne. Telekai ku jije jawama jibena kwiya...byo tubena kufika Pamulungu: “Konka ku Mupashi umo atweba bonse twabatizhiwa mu Mubiji umo...” (Twafwainwa kuyuka kyokyo.) “...Kilishitu.” Pa kimye...Pano, Nalanguluka mba Ndetepo Binembelo bimo, Binembelo byawama pa kyokyo [Mulongo Branham wakumbula kikye mu Lubaji Iwa II, jimpuzho ja 60—Waku.]

²²⁶ Ajino jawama, pamo nobe...Mwakonsha nkuswisha pa mineti umo nangwa abiji, pakuuba mba kumbule kikye? Jakonsha kwikumbula ajo jine.

59. Inge—inge mwaamba mba “babi kechi bakapya Peenape ne,”... (Kyawama, pano Amiwa njina Kamonyi wa Yehoba wanyema, kechi Ami njina naji nenyi?) ...Inge mwaamba mba babi kechi bakapye Peenape ne, mwatazha mu kuuba mba mu kalunga ka bafu nangwa mu kizhiba kya mujilo? Nayuka Kyaamba mu Lumwekesho (akyo ke kyapitala kyabu 20) amba kalunga ka bafu kataiwe mu kizhiba kya mujilo. Inge babula kupya Peenape, pano nishi bakekala musangoka?

²²⁷ Nobe byonka byo Nanji kwamba, mulongo nangwa nyenga, yense byoaji; bakapwijiijika konaika, kafwako nangwa kimo kikekalako kwi abo ne. Bajinga na ntendekelo, kabiji aya yo mpelo; kafwako kyashalako kwi abo ne. Kikekala byepi... bakapya bimye byalepa byepi, akyo ke kintu kyakonsa kwikyamba. Bino, monai, kuji...

²²⁸ Inge kikye mwakonsha kwikibikatu mu mumilanguluko yenu, monai, kyapeela bingi. Kujitu musango umo wa Bumi Bwapeenape, kabiji ne abo bwiya kupichila mwi Lesa Ayemwine. Kabiji Lesa yekatu bo Bumi Bwapeenape. Inge mwakonsha kumona mu buuku wa lekizoni, monai kyambo kya Kingiliki kya Zoe. Zoe ke “Bumi Bwapeenape.” *Bumi Bwapeenape* ke “Lesu.” Kabiji Yesu waambile mba, “Amiwa ne bapa Bumi Bwapeenape.” Kabiji inge mwakonsha kumona mumwe mu lekizoni, kyaamba mba, “Zoe.” Abo boboka Bumi Bwapeenape bujiko. Kechi pajipo patu Baibolo po Aamba mba kukekala kalunga kabafu ka Peenape ne, kyaambiwa mba bakapya “myaka ne myaka.”

²²⁹ Pano, kutana kyambo kya *myaka*, talai pa, *aeon*. Bushe mwamona *papo*, mu Baibolo nyi? Baanga bekyumvwapo kyaambiwa mba, “Kabiji aeons ne ae-...”? Baanga bayuka mba *aeon* ke “kimye kyatongolwa”? Kika, kine, uji yense wayuka mba *aeon* ke “kimye kyatongolwa.”

²³⁰ “Kabiji bakapya ma aeons,” abyoye ke bimye byatongolwa. “Bakataiwa mu kizhiba kya mujilo, bakapya ma aeons.” *Aeons* kyalumbulula mba “kimye kyatongolwa.” Bakasokwa pa myaka aduleendi milyoni na kumanyikwa bino apa, pa kupezhako,

bafwainwa kwiya kupelo yabo; baonaika kupwijijika, bonse pamo. Monai, mambo bintu byonse byabula kulumbuluka ke kyakutwalwa mungi kufuma mu Kyalumbuluka; kabiji kyajinga na ntendekelo, nanchi kyafwainwa kwikala na mpelo.

²³¹ Bino atweba twaketekela mwi Nkambo Yesu Kilishitu tuji na Zoe, “Bumi Bwanji mwine Lesa” mwi atweba, kabiji tuji na Bumi Bwapeenape. Kechi kwikala na bumi bwa myaka ne myaka, ndengamambo uji na bumi myaka ne myaka, pakuuba atweba tuji na “Bumi Bwapeenape.”

²³² Mulongo Cox, kechi papita bimye byabaya ne, waikajile mu jishinda jami kasa tukyangye kubikamo. . . panyuma ya kwikala na mabwe, kabiji watolele bicheche, bikupa byakala, ne kwamba mba, “Mulongo Branham, kyaikala myaka inga?”

²³³ “Oo,” Naambile mba, “mwayila bintu byapita, mwakonsha kwamba mba papita myaka teeni sauzande. Kintu kimo kiji nobe kicheche, kijanyi kya mukalunga kyaikele na bumi pa kimye kimo, myama mucheche wa mukalunga, wafwaijilwe kwikala mu mankulo apita kunyuma.”

²³⁴ Aye waambile mba, “Anweba langulukaitu byo bwaipipa bumi bwa muntu *kuboobwa* bumi.”

²³⁵ Naambile mba, “Oo, bino, mulongo, akya kintu kiji na mpelo, pakuuba Bumi bo tuji nabo mwi Kilishitu kechi buji na mpelo ne. Akya kyakonsha kwikala bumi bubiji nangwa busatu *myaka ne myaka*, bino kechi kikekala na Bumi Bwapeenape ne, mambo Bumi Bwapeenape bufuma kwi Lesa bunke bwanji.”

²³⁶ Peenape, “Aye umvwa Byambo Byami ne kumwitabila Aye watuma Ami, uji na Bumi Bwapeenape kabiji KECHI ukeya mu kinje ne pakuuba wafuma kulufu kuya ku Bumi.” Abyo byokiji, obewa utambula Bumi Bwapeenape ponka pakwikala waitabila. Wabula kwitabila uji na bumi myaka ne myaka. Aye Wapeenape. . . waitabila uji na Bumi Bwapeenape, kabiji kechi wakonsha konaika ne mambo Ke Peenape.

²³⁷ Pakuuba waitabila, aye ukaya. . . Wabula kwitabila ukapita mu ntanda, ukekala na byalumanamo, bya malwa; byo atela mba kwikala na kimye kyawama bingi, “kyokika, kwikala na kimye kyawama.” Banabakazhi, waini, ne bimye bikatampe, aye ulanguluka mba ubena kutwajijila. Aye ukafwa, ukaya mu kizhiba kya mujilo ne kibiliki kitema, ako kuji kupya myaka ne myaka, kabiji kapepo pa myaka aduleendi milyoni mweo wanjil ukamanyikwa mu kizhiba kya mujilo ne wa bukibiliki.

²³⁸ Ami. . . Mwaamba mba, “Bushe kijitu pamo nobe mujilo wabu kibiliki nyi?” Amiwa naketekela mba kikekala kyakila pa bimye milyoni kutama. Naketekela mba kechi mwakonsha kwikilondolola kutazha ku mujilo ne, yenkawe mujilotu. Ene mambo kyo kyaikela ke “kupichila mu mujilo,” mambo mujilo ye wakila mu konauna. Kyakine usokang’ana ne konauna bintu

byonse, byo byuuba mujilo. Kyawama, nanchi, kikekala monka, bino ukekala na mweo ao ukamanyikwa mu kintu kimo. . .

239 Pano, wafwainwa kutajisha kyambo kya *mujilo*, mambo Mupashi Wazhila waingijishiwa ke “Mupashi Wazhila ne mujilo”; mambo Mupashi Wazhila usokamo bubu, monai, kabiji ulengela kwikala kyatoka.

240 Pakuuba *awe* mujilo, ufuma ku ngehena, kyaambiwa mba “kizhiba kya mujilo.” Kabiji nangwatu kikale byepi, ke kumanyikwa kuji na kumanama. Awa munoshi wasutwile meso anji, moka mu gehena, kabiji waambile mba, “Tumai Lazalaza na tumeema tucheche ku minwe yanji, ambike pa mivumbo yami, mambo kulakauka kubena kumanyika amiwa.” Kechi mulanguluke mba kafwako ngehena itema ne, kabiji ne ngehena imweka, kochi. Inge kuji diabola umweka, kuji ne ngehena imweka.

241 Bino, monai, kintu kyonse kyatwalwa mungi kiji na mpelo yakyo, mambo pa kupezhako kyafwainwa kungwela ku buwame ne buzhile bwa Lesa. Kabiji Lesa ye Wapeenape; kabiji inge tuji na Bumi Bwapeenape, Lesa uji mwi atweba, kabiji kechi twakonsha kufwa ne byonka Lesa byo abula kufwa. Abyo byo kiji.

242 Bino, kibaba kilondolola Akyo kine, mwamona, kabiji kyaikajikwa bulongo. Pano, twayai tumone, Najinga na. . . Amiwa kechi nayuka ne kana. . . Ee:

“Pano bakekala—pano bakekala musango ka?”

243 Bakekala bapwijijika konaukwa, kafwako kikekalako kwi abo ne: mweo waonaika, mupashi waonaika, bumi bwaonaika, mubiji waonaika, milanguluko yaonaika, kulabijila kwaonaika.

244 Kabiji kechi kukekalapo milanguluko yatama ne, nangwa kechi bikobiwa ne, kechi bikobiwapo mu Lukumo ne. Abyo ibyo, bikekalatu byonse. . .Mwakonsha kufwanyikizha, mba kwafwainwa kwikala bantu baji mu lulwe lubaji. . . ?

245 Bushe Baibolo kechi waamba mba, “Ne milanguluko ya babi ikonaika”? Yonkatu milanguluko yakyo ikonaika.

246 Apo pa kekala muntu *papo*, apo Lesa Mukatampe Yenka Wazhila *papo*, kabiji byo twayuka mba konkwa kuji kimbo kya mye obena kupa mukachi kakyo? Kika, amwa kechi mwakonsha kwikala Mwiulu ne. Yonkatu milanguluko, konkatu kulabijila, bintu byonse byatwalwa mungi, milanguluko yonse yatama, byonse bikonaika, kabiji ne bintu byonse bijimo byatama. Kabiji kechi kukekalapo kintu kikwabo ne kanatu kyatoka, na Zoe, Bumi bwa Lesa; kufika ne ku Peenape, kabiji ne mankulo akeya kulutwe, ne kuyatu kulutwe, ne kuyatu kulutwe, ne kuyatu kulutwe, ne kuyatu kulutwe; Kechi bukapela ne, bukekala Peenape!

247 “Abo batwelele mu *kumanyikwa* kwa myaka, pakuba baoloka batwelele mu Bumi Bwapeenape.” Mwikyumvwa nyi? *Myaka* na kumanyikwatu, Bumi Bwapeenape, lupusano lujipi!

248 Pano, monai, kechi kyubiwa ne... Bino, Nayuka, kwi anweba, batemwe bami babacheche, Amiwa—Amiwa kechi natazha mukuba mba ne mwesha amiwa nobe nayuka-bintu-byonse ne. Inge Nauba kyokyo, . . .

249 Pano, Njina mepuzho fiili nangwa foolo akwabo awama. Amiwa ke atola Pamulungu lukeelo, inge Nkambo waswa.

250 Pano, talai. Monai, abye biletu mepuzho. Amiwa ne musapwishi wakala. Ami—Ami—Ami—Njina myaka tweti-sikisi mu mwingilo. Kabiji Ami—Amiwa nasata bingi pa kikye, kya kuuba mba Nakonsha kwamba kikye, ami... Amiwa kechi naeseka kuletapo kintu kiji kyonse mu bumi bwami kwakubula patanishi kusololwa ne. Kabiji Nasata bingi pa Malaika wa Nkambo. . . Akyo Amiwa kechi najinga na kufunda ne, kubulwa nangwa kimo ne. Kabiji awe Malaika wiya, kabiji wikala ke bukwasho bwami bwatumwa kufuma kwi Lesa. Kabiji Aye kechi wambulapo kintu kimo ne kana kyanugankana pamo kufuma ku Ntendekelo kufika ne ku Lumwekesho, kyakuba mba poso. . . Nanembele bukiji byo Aambile mba “Kabiji obewa—kabiji obewa ukekala na kya bupe kya lubuko lwa Bulesa.” Kabiji Nekinembatu monka mo Ekyambijile.

251 Kabiji pakupitapo myaka isatu, kalama wakebwile yami—milanguluko yami ku kikye, waambile mba, “Mulongo Branham, bushe wamwene kyokya nyi? Akyo kyajinga kyalumbuluka bingi poso Aye byo akubuujile ‘kya bupe.’”

252 Monai, kechi waambilepo amba “kya bupe ne.” Kabiji yense—yense uji mu Baibolo. . . kya bupe kyonse ke “kya bupe” pakuuba lubuko lwa Bulesa, kabiji ke “kya bupetu.” Ke “bya bupe bya lubuko.” Mwakonsha kwikala na misango yonse ya byabupe bya lubuko, ne mashinda apusanapusana. Bino, kikwabo kyonse ke “kya bupe”: “kya” bupe kya kwaula, “kya” bupe kya *kikye*. Pakuuba lubuko lwa Bulesa luji mu bintu byavula: “bya bupe.” Kabiji Amiwa kechi namwene kyokyo ne, amba aye Mupashi Wazhila walumbuluka bingi. Oo, jitotwe ja Nkambo!

253 Bushe mwayuka mba Mupashi Wazhila umo yenka wanembele yewa Baibolo, na banabalume ma aduulendi, myaka ma aduulendi kufuma pa umo kuya pa mukwabo. . . kabiji kafwako nangwa umo wapusejiilemo na mukwabo ne, bonse bajingatu bapwijijika; kabiji umo kechi waumvwinepo pa mukwabo ne.

254 Kabiji Paulo waile kokwa, kabiji wajinga mu Arabia, kabiji kechi wafikilepo ku Yelusalema pa myaka fotiini ne, bino wajinga monka mu Yelusalema ne konka ku. . . wafumine ku. . . kechi wayilepo ku Yelusalema ne. Pakuuba monka mu Arabia,

watatwile kusapwila, kechi wamunwenepo Petelo ne bashala pa myaka fotiini ne. Kabiji byo bayishile pamo, basapwijilenga kintu kimo: lubatizhilo lwa mu Jizhina ja Yesu Kilishitu, ne lubuko lwa Bulesa, kabiji ne bulume bwa Lesa.

Oo!

Amiwa njibingi na lusekelo mambo Nakonsha kwamba mba Amiwa ne umo wa mwiabo.

Umo wa mwiabo, Amiwa ne umo wa mwiabo, Amiwa njibingi na lusekelo mambo Nakonsha kwamba mba Amiwa ne umo wa mwiabo; (Aleluya!)

Umo wa mwiabo, Amiwa ne umo wa mwiabo, Njibingi na lusekelo mambo Nakonsha kwamba mba Amiwa ne umo wa mwiabo.

Kuji bantu konse konse,

Banji na michima yatema mujilo,

Na yuwe Mujilo waponene pe Pentekositi,

Awa wibatokeshe na kwibalengela kwikala batoka;

Oo, Kibena kutema mujilo mu muchima wami,

Oo, lukumo ku Jizhina Janji!

Amiwa njibingi na lusekelo mambo Nakonsha kwamba mba Amiwa ne umo wa mwiabo.

Bakumejile pa nzubo ya peulu,

Bonse na kulomba mu Jizhina Janji,

Abo babatizhilwe na Mupashi Wazhila,

Kabiji bulume bwa mwingilo bwaishile;

Pano Aye kyo ebobijile pa joja juba

Aye ukakubila obewa mu musangotu umo,

Amiwa njibingi na lusekelo mambo Nakonsha kwamba mba Amiwa ne umo wa mwiabo.

Amiwa ne umo wa mwiabo, Amiwa ne umo wa mwiabo,

Amiwa njibingi na lusekelo mambo Nakonsha kwamba mba Amiwa ne umo wa mwiabo; (Aleluya!)

Umo wa mwiabo, umo wa mwiabo,

Amiwa njibingi na lusekelo mambo Nakonsha kwamba mba Amiwa ne umo wa mwiabo.

²⁵⁵ Telekai, Njina mbila yenu icheche:

Iyai, mulongo wami, kebai ao mapesho

Akyo kikatokesha muchima obe kufuma ku bubi,

Akyo kikatatula mabbelu-alusekelo kwimba

Kabiji akalama mweo obe pa lubebe;

Oo, mujilo ubena kupyua mu muchima wami,

Oo, lukumo ku Jizhina Janji,

Amiwa njibingi na lusekelo mambo Nakonsha
kwamba mba Amiwa ne umo wa mwiabo.

256 Bushe anweba kechi mwasekela pakwikala umo wa mwi abo nenyi? Kyokika? Ke Mupashi usolola. Ke lumwekesho lwa kwa Lesa, “Pajije jibwe.” Amiwa kechi nasakamana ne inge akibishopu. . .

257 Aye pulisiti wa ku Katolika waikela, kechi papita bimye byabaya ne, mu nzubo yami. Kabiji aye waambile mba, “Mr. Branham, Naiya na kukwipuzhako jipuzho.”

Naambile mba, “Kijitu bulongo, mwane.”

258 Waambile mba, “Njina kalata kufuma kwi ba bishopu, kwiya kwi anweba.”

Naambile mba, “Kijitu bulongo, mwane.”

259 Aye waambile mba, “Ng’ambilo imo yo wamba, wakonsha kusutula kuboko koobe ne kuchipa amba ukamba bya bukine?”

260 Naambile mba, “Amiwa kechi nakonsha ne.” Naambile mba, “Aye Baibolo waamba mba, ‘Kuchipa nangwa pachechetu ne, mwiulu nangwa pantanda ne (mambo popa kunyata maulu Anji). Lekai kwamba kwenu kwikale ine nangwa eee.’ Inge ba bishopu bakeba kumvwa byo Nakonsha kwamba, aye ukatola kyambo kyami pa kikyee. Inge wabula kuuba byo byo ne, Amiwa kechi nchipa ne.”

261 Awe pulisiti wa mubiji mucheche papo pa kipwilo kya Muchima Wazhila, aye waambile mba, “Bushe wabatizhe Pauline Frazier pa juba ja *kananga-ne kananga?*”

262 Naambile mba, “Nekyubile, mwane, ku Mukola wa Ohio.”

263 Waambile mba, “Wamubatizhe byepi?”

264 Naambile mba, “Amiwa na mubatizhe mu kwibizha mu meema mu Jizhina ja Nkambo Yesu Kilishitu.”

265 Aye wkinembele. Waambile mba, “Mwayuka, kipwilo kya Katolika byo kyabatizhanga byonkabyo.”

Naambile mba, “Kimye ka?”

Aye waambile mba, “Mu nkulo itanshi.”

Naambile mba, “Ng’anyi nkulo itanshi?”

Aye waambile mba, “Kyawama, konka kuntendekelo.”

Naambile mba, “Ng’anyi ntendekelo?”

Aye waambile mba, “Mu Baibolo.”

Naambile mba, “Bushe mwatazha mukuuba mba kunte- . . . mu—mu banababwanga nyi?”

Aye waambile mba, “Kine.”

Naambile mba, “Bushe wibatela ba Katolika, nangwa, ba—ba . . . ? Waamba mba banababwanga bajinga ba Katolika?”

Aye waambile mba, “Kine, byo bajinga.”

Naambile mba, “Nalanguluka mba kipwilo kya Katolika kechi kya pipulwa ne?”

Aye waambile mba, “Kechi kyauba ne.”

266 Naambile mba, “Pano kika Petelo kyo aambijile mba, ‘Lapilai, ne kubatizhiwa mu Jizhina ja Yesu Kilishitu?’ Kabiji mwaamba mba wajinga . . . amba aye wajinga papa?”

267 “Ee.”

268 “Pano kika kyo mubatizha mu jizhina ja ‘Taata, Mwaana ne Mupashi Wazhila?’ Kabiji aye waibezhe mu meema, pano anweba musansa. Pano kika kiamwekele?”

269 Aye waambile mba, “Bino, mwamona,” waambile mba, “akyo kipwilo kya Katolika kiji na bulume bwakuuba kintu kiji kyonse kyo bakeba kuuba.” Uu.

270 Naambile mba, “Kabiji mwibatela banababwanga mba Bakatolika?”

271 Aye waambile mba, “Ee.”

272 Naambile mba, “Mwane, Amiwa njina Josephus, Amiwa njina *Foxe’s Book of Martyrs*, Amiwa njina *Mankulo Atanshi* akwa Pember, Amiwa njina Hislop’s *Two Babylons*, mashimikila ene akala ajiko mu ntanda, mweshaiko momwa amo kipwilo kya Katolika po kyabikilwe nangwa po kyaikele ke kabungwe . . . myaka sikisi aduleendi panyuma yakufwa mutumwa wapeleleko.”

“Oo,” aye waambile mba, “twaketekela byamba kipwilo.”

Naambile mba, “Naketekela byaamba Baibolo.” Mwamona?

“Kika,” aye waambile mba, “Lesu uji mu kipwilo Kyanji.”

273 Naambile mba, “Lesu uji mu Kyambo Kyanji.” Kabiji Naambile mba, “Inge . . .” Aye waambile mba . . . Naambile mba, “Aye Baibolo kechi waamba mba Lesu uji mu kipwilo Kyanji ne, pakuuba Baibolo waamba mba Lesu uji mu Kyambo Kyanji. ‘Muntendekelo mwajinga Kyambo, ne akya Kyambo kyajinga na Lesu, kabiji akya Kyambo kyajinga Lesu; ne kwikala wayikele muno mwetu.’” Abye ibyo. Naambile mba, “Lesu uji mu Kyambo Kyanji.”

274 Aye waile na kubuulang’ana kyokyo. Aye waambile mba, “Kyawama, atweba kechi twakonsha kupachika ne,” waambile mba, “mambo obewa waketekela mu Baibolo, Amiwa naketekela mu kipwilo.”

275 Naambile mba, “Naketekela mba Baibolo ke Kyambo kya kwa Lesu kyang’atundaikwa kabiji kechi pajipo nangwa pamo po Kipachika ne. Kabiji Ke Kyambo kya Lesu, lunengezho Lwanji lwa Peenape lwa mankulo onse akeya kulutwe. Aye waambile mba, ‘Meulu ne ntanda bikapita pakuuba Kyambo Kyami kechi kikapite ne.’ Abye ibyo. Naketekela Kyambo.”

276 Aye waile ku ba Mrs. Frazier. Aye waambile mba, “Mrs. Frazier, mwakonsha kufwachika kipepala kya kuswishya mba nsongwakazhi wenu wakonsha kwikala membala wa kipwilo kya Katolika nyi?”

277 Waambile mba, “Kyangwamina ne kwenda nanji kuya ku kilende.”

278 Waambile mba, “Bumvu bwikale ne obewa.” Waambile mba, “Mwafwainwa kusata mba awa nsongwakazhi ubena kufuma mu bumbulwa maana, ne kuya mu kipwilo kya Katolika.”

279 Waambile mba, “Ibyepi umvwe wajinga nsongwakazhi obe ubena kwiya ku kipwilo kyami, wakonsha kwambapo mbaka pakikyeye?”

280 “Oo,” aye waambile mba, “akyo kyapusanako.”

281 Waambile mba, “Ine, kechi byo kiji ne.” Aye wayukile mba wajingapo kuntu kumo ko anshile yewa mwanamukazhi wachepa mubiji. Aye wayukile mba wajingapo kuntu kumo. Aye waambile mba, “Pano, kibelotu kimo kyashikuka kya kutwelelako.”

282 Monai, ajo jo jishinda. Kechi bakonsha kukunyachijila ne, kechi bafwainwa kukunyachijila ne. Inge Lesa uji kulubaji lobe, ing’anyi wakonsha kukwimena? Ibyo! Lukatazho lwa kino kimye ke luno, munji na misana yabulamo longololo mukifulo kyakwikala na musana uji na longololo. Imanai ku lubaji lwa Lesa ne ku kyaoloka!

283 Awa yeka Mupashi Wazhila umo wayishile pa boba batumwa ne mu mankulo akunyuma, ukijitu mu Kipwilo Kyanji leelo, ku booba Lesa bo abena kwisololako Ayemwine. “Kechi yewa usaka ne, nangwa yewa unyema ne, kana Lesa umwesa lusa.” Ke Lesa, monka mu kusalulula Kwanji, uleta bantu ne kushikula meso abo. Obewa kechi wakonsha Kwikimona ne, wi mpofu, kabiji kechi wakonsha kumona ne kanatu Lesa washikula buyuke bobo. Aye Baibolo waamba mba obewa wi bampofu, kabiji kechi wakonsha kumona ne. Kechi kyakonsheka ne kweseka ne. Na kufunda kobe konse, ne bya masukuulu byo wakonsha kwikala nabyo, obewa ukatwajijilatu na kwikala mpofu.

284 Pano, anweba Kipwilo kya Kilishitu papo, anweba “mwambatu paamba Baibolo, ne kuzhindama po azhindama,” pano nga pa Bibye bimo? Anweba mwazhindamishatu pa Kyokyo. Ibyo.

285 Monai, kisenda Bukine bwa mupashi kwasololwa. Nanchi Lesa wiya na kwisolola Ayemwine kabiji ne Kwikishinikisha aamba Kyabukine. Amena! Anweba mwamutemwa Aye nyi? Nanchi ne Amiwa pamo. Amena.

286 Kijitu bulongo, anweba ba Methodist bakeba kwiimuna mu maboko ne ba Baptist? Anweba ba Presbyterian?

287 “Pano,” mwaamba mba, “Mulongo Branham, bushe mwibafumya pakanchi kenu ba Baptist ne ba Presbyterian babula ku bati- . . .?”

288 Ine, mwane, Amiwa kechi nguba ne. Amiwa ne bamona nobe balongo. Kyakine! Amiwa kechi nasakamana ne nangwa kechi mwabatizhiwa nangwa pachechetu ne, inge wabatizhiwe mu jizhina ja “aye Loozi waku Shaloni, Kikwibu kya Mukipachiko, kabiji ne Ntaanda wa Kumakya,” akyo kechi kyafwainwa kwikala na . . . akyo kyakonsha kwikalatu pamo nobe “Taata, Mwaana, Mupashi Wazhila.” Bifulo bisatu. Aye wajinga Loozi wa Kushaloni. Byoajinga Aye nyi? Ye Kikwibu kya Mukipachiko, Ntaanda wa Kumakya, byonse byo. Kine, Aye byo ajinga. Kintutu kimo nangwa kikwabo. Bino byo byo kiji: jishinda ja Kinembelo kyaitabilwa ke mu Jizhina ja Yesu Kilishitu. Inge ubena kukeba jishinda ja mu Binembelo, abyo kine ibyo. Ajo jo jishinda jaitabilwa.

289 Pano, inge wabatizhiwa mu jizhina ja “Taata, Mwaana, ne Mupashi Wazhila,” waumvwatu nobe kijitu bulongo, amena. Inge waikala mukumbu wawama kwi Lesa uleta milanguluko yatoka kwi Lesa, amena. Twajijilatu kuya kulutwe, mwamona.

290 Bino nobe byonka Byonji amiwa, nobe biji kulubaji lwami, inge anweba mwakonsha kungimpuzha, amba, “Mulongo Branham, Nakonsha ku Babatizhiwa jibiji nyi?” Nakonsha kwaamba mba, “Ee,” kulubaji lwami.

291 Awa mwanamukazhi muचेचे mubiji waishile juba jikwabo, waambile mba, “Aye Nkambo wangita kwikala musapwishi.” Amiwa kechi naketekejile kyokyo ne, kechi nobe byo Naketekela kwamba—mba wakonsha kutoloka kukila ng’ondo ne. Kabiji aye . . .

292 Naambile mba, “Kyawama, akyo kyawama bingi, nyenga.” Naambile mba, “Obewa wasongolwa nyi?”

“Ee.”

“Unji na baana babiji?”

“Ee.”

Naambile mba, “Kika . . . ? Bushe balume bobе bapuluka?”

“Ine.”

Naambile mba, “Kika kyo ukoba nanji?”

“Nkamusha pa nzubo.”

293 Naambile mba, “Ako ko kakose kawama diabola ko aji nanko. Obewa wi mwanamukazhi walamba kyakutatwilapotu, kabiji obewa ke uye momwa mu mwingilo, obewa ukékala kakose kimye kyonse kabiji kiteyo kyakufikilapo diabola. Kabiji mulume obe, ku nzubo, mwanamulume wakyanyike, kabiji wamusha na baabo baana babiji; aye ukatatula kwenda na mwanamukazhi mukwabo, kabiji baabo baana bakekala na

shabo mukwabo juba jimo.” Naambile mba, “Kintu kitanshi, inge Lesa waita mwanamukazhi, Aye wapachika Kyambo Kyanji.” Naambile mba, “Pano, inge ubena kukeba, akyo kijitu bulongo.” Naambile mba, “Pano, kuyuka bapashi, waamba mba Nkambo wakupele kuyuka bapashi. Ubena kukeba kuya pangye, ku pulatifomu, na kwikyeseka?”

294 Aye waambile mba, “Ee.” Kabiji ukamona kikamweka.

295 Mwamona, kyaikala kya lusekelo. Kyafwainwa kwiya ku Kyambo. Inge kechi kiji mu Kyambo ne, nishi kechi kiji bulongo ne. Amiwa kechi nasakamana ne nangwa wikale nang’umvino ya byepi ku mubiji, kechi kiji bulongo ne. Amena! Akyo kyaumvanyika bulongo. Amena!

296 Kijitu bulongo:

Tukenda mu Kyeya, akya Kyeya kyawama,
Iyai pasamina kime kya lusa;
Samai konse konse pe atweba mute ne bufuku,
Yesu, Kyeya kya panopantanda.

Anweba bonse bazhijikwa ba Kyeya ambai,
Yesu, Kyeya kya panopantanda;
Apo mangengele a Mwiulu po akajila,
Yesu, Kyeya kya panopantanda.

Tukenda mu kyeya, akya kyeya kyawama,
Iyai paji kime . . .
Samai konse konse pe atweba mute ne bufuku,
Yesu, Kyeya kya . . .

297 Pano Nakeba mba muntu yense aluluke ne kwiimuna maboko, mashinda anga ana, na muntu yense, byo tubena kwimba yuwe jibiji:

Tukenda mu Kyeya, Kyeya kyawama, (Amena!)
Iyai pasamina kime kya lusa;
Samai konse konse pe atweba mute ne bufuku,
Yesu, Kyeya kya . . .

298 Bushe mwibatemwa ba Methodist nyi? Ambai mba, “Amena.” [Kipwilo kyaamba mba, “Amena.”—Waku.] Ba Baptist? Presbyterian? Ba Katolika? Abo . . . oo, bushe mwibatemwa bonse nyi? Ambai mba, “Amena.” [“Amena.”]

Tukenda mu Kyeya, kyawama . . .

Kupakana maboko, byo tubena kuya.

Oo, iyai pasamina kime kya lusa;
Samai konse konse pe atweba mute ne bufuku,
Yesu, Kyeya kya . . .

299 Kasa tukyanye kwimba lwimbo wetu wakulupwila bantu . . . Pano, kyakonsheka kuuba mba Amiwa nkekala kuno jibiji pa Mulungu. Pano, panyuma ya kyokyo kechi Nkabwelako jibiji ne poso pakupwa kwa Kimishimishi. Monai, mambo

Amiwa mbena kuya ku Michigan, kufuma ku Michigan kuya ku Colorado, kufuma ku Colorado kuya ku Idaho, kufuma ku Idaho kuya ku California, kabiji po tukabwela. Kabiji inge kyakonsheka (Nakeba mba anweba mundombeleleko) Amiwa kekala mu Waterloo, Iowa, kutatula mu Kakubokache pa twenti-foolo kufikatu ne mu Nkubomukata ja bubiji. Monai, akya kibaza kikatampe kokwa, Nakutambulatu lwito kimye kicheche kyapitapo, kabiji njina kufuma pano kufika pa Mulungu kimye kya kulombelapo. Monai, ku Waterloo, Iowa, ako kujitu pepi.


³⁰⁰ Bino pano, vulukai, telekai kushimuna kwa mulongo pa waileshi na kimye kya naini koloko, Pakibelushi lukeelo. Atweba tukamwita ne kumuyukisha. Kabiji akyo kikekala pa WLRP, bana bakwa Neville pa kimye kya naini koloko, lukeelo pa Kibelushi. Atweba tukoba. . . Inge Ami—Amiwa inge kechi ke asenda ne, Mulongo Neville ukapwisha mepuzho. Mwakonsha kuuba nyi, Mulongo Neville, pa Mulungu lukeelo? [Mulongo Neville waseka ne kwamba mba, “Mukambizho wabaya!”—Waku.] Kyawama, talai, inge watwela mulukatazho, Amiwa nkanyema nobe. Aye ukatala. Kijitu bulongo.

³⁰¹ Kijitu bulongo:

Yanga Najo ja kwa Yesu,
Mwaana wabulanda ne wamalwa;
Jikakupa lusekelo ne lutekenesho,
Oo, yanga Najo konse konse.

Jizhina Jawama, Byo janemesha!
Luketekelo lwa ntanda ne lusekelo lwa
Mwiulu;
Jizhina Jawama, (Jizhina Jawama!) Byo
janemesha! (Byo janemesha!)
Luketekelo lwa ntanda ne lusekelo lwa
Mwiulu.

³⁰² Bino, inge mubena kukeba kuyuka Baptist waketekela mu kubijika, awo ye musango wa kubijika ye Naketekelamo. Awa maama wakala waikala popa, kabiji Mupashi wajikwiya pe aye. Wakutatula kujila, wakakalwa kwikanya, wajikwenda kubwela kunyuma na kukumbata mwananji wamukazhi. Ajo jojishinda jo Natemwa kwi kimwenamo. Amena. Akya kyakila bingi kuwama, musango-wakala, ng’umvwino-ya muchima yawama. Oo, ami, mukulumpe—mukulumpe, wafikilamo, wazhijikwa wafikilamo, winengezha kuya ku nzubo mu Lukumo. Ubena kupembelelatu kwitwa, mwamona, ujitu na kimye kyawama.

Kijitu bulongo, Mulongo Neville pano, kyonse kyo abena kukeba kuuba. 

57-0925 Mepuzho Ne Mikumbu Bahebelu Kibese Kya I
Branham Tabernacle
Jeffersonville, Indiana U.S.A.

KAONDE

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kayukilo ka kuvuzha

Luusa lonse luji kubene. Awe buuku mwakonsha ku mupulita ku kya kupulitako kya pa nzubo pakuuba mba anweba bene mwakonsha kumwingijisha nangwa kupaanwa, kyatuutu, nobe jishinda ja kunsampwilamo Mambo awama a Yesu Kilishitu. Awe buuku kechi wakupotesha ne, kulengamo avula, kutumwa palubesha, kufiwa mu makopyuta, kututululwa mu milaka ikwabo ne, nangwa kwingijisha mukumwenamo mali kwakubula kuswisha kwanembwa kufuma kuba Voice Of God Recordings®.

Pakukeba kuyukilapo bikwabo nangwatu mabuuku akwabo, mwane tumai pa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org